

傷寒緒論



○又酷暑道途中。卒然暈仆。爲暑風卒倒。此熱毒湧痰。壅塞心包也。切不可用冷。得冷則死。急以熱土熨臍中。仍使更湧於臍腹。并搗薑蒜絞汁灌之。立甦。若熱病因暑而發。治從熱病例。蓋伏邪必從少陰發出心包而入陽明。與陽明中暍不殊。總屬白虎證。治不必辨其是熱是暍也。

若其人素有痺濕。復傷於暑。暑濕相搏。深入太陰。則發濕溫。以太陰主濕。召暑而入其中也。證若兩脛逆冷。腹滿。濕得暑而彰其寒也。支胸頭目痛苦。妄言壯熱多汗。暑得濕而彰其熱也。其脉陽濡而弱。陰小而急。蓋濕傷於血。則必小急。暑傷於氣。則必濡弱也。羅謙甫云。濡弱見於陽部。濕氣搏暑也。小急見於陰部。暑氣蒸濕也。病在太陰陽明。不可發汗。汗之則不能言耳。聾不知痛處。身青面色變。名曰重暍。死宜白虎湯。

加蒼朮。分解兩經混合之邪。如有寒熱。加桂枝。若濕氣勝。一
身盡痛。發熱身黃。小便不利。大便反快。五苓散加茵陳。此乃
熱入陰分。故見足冷脈弱。不可因其足冷脈弱。而誤用溫藥
也。若內夾冷食。五苓散去豬苓。澤瀉加甘草乾薑。即茯苓或
白朮湯或
五苓合甘草乾薑亦得。然夏月亦有中寒厥冷宜溫者。必小
便清白。知裏無熱。方可用溫。若是濕溫。小便必赤濇而少。即
如厥陰熱厥。亦有脣青脈伏。當用竹葉石膏湯者。與此不異。
此正內經亢則害承乃制。火極反兼勝已之化也。王肯堂云。
昔人治濕溫。遍身皆潤。而足冷至膝下。腹滿不省人事。六脈
皆小弱而急。問其所服之藥。皆陰病藥也。此非受病重。藥能
重病耳。遂以五苓散合白虎湯。十餘劑少甦。更與清燥湯調
理而愈。凡陰病厥冷。兩臂皆冷。今脛冷臂不冷。則非下厥上

行。故知非陽微寒厥。而合用祛濕藥也。

春夏濕令大行人感其氣則一身盡重而痛。脉來沉緩。小便

不利。大便反快。此各中濕。以其人素有蘊濕。因復感濕令。故

有是證。宜五苓散加減。淡滲為主。治濕之法。不利小便。非其

治也。凡夏月之濕。皆為熱濕。非如冬月之濕為寒濕也。濕

家身煩疼。可與麻黃加朮湯微汗之。即麻黃湯加白朮四兩慎不可以

火攻之。攻之必喘滿煩驚。小便不利也。濕熱內遏。則頭汗

身黃。宜茵陳蒿湯合五苓散。然濕家非內實熱極發黃。不可

議用下藥。即茵陳蒿湯中用大黃。不過藉以導熱利濕。非用

下也。濕家但頭汗出。項背強。欲得被覆。向火。胸滿小便不利。

舌上如胎者。此丹田有熱。胸中有寒也。宜黃連湯和餅之。若

誤下寒濕則噦。額上汗出微喘。小便利者死。陰陽上下俱脫

易... 卷上... 恩... 中... 五... 恩... 堂... 載

也。又下之額上汗出而喘。小便反秘者亦死。經云。關格不通。不得尿。頭無汗者可治。有汗者死。若額汗而小便如常。手足自溫者。陽氣雖逆。陰氣猶不至於暴脫。白朮附子湯救之。若下之利不止。雖無額汗喘逆。此陰氣下脫亦死也。○濕家雖身疼痛。不可發汗。汗之則瘳。此爲陽虛脈沉細者而言也。前云。濕家身煩疼。可與麻黃加朮湯。是治暴感寒濕。陽氣未傷。脈見浮緊。故宜微汗以開泄之。若夫陽虛之人。衛氣先虧。不能固密肌腠。復加汗劑。傷營勢必內擾肝木。而生虛風。所以垂戒不可發汗也。又有濕家身疼發熱面黃。脈大自能飲食者。內藥鼻中則愈。以濁濕干犯清道。而見頭痛鼻塞。是不當以湯藥治其腸胃也。更有上盛之濕。下先受之之濕。濡瀉之濕。大筋輒短。小筋弛長之濕。因氣爲腫之濕。五痺諸濕種種。

不同。詳述醫歸。

若先傷濕身疼。而後傷風者。謂之風濕。經言風濕相搏。一身盡痛。發熱而腫。不能轉側。惡風不欲去衣。額上微汗。大便難。小便利。日晡熱劇者。名風濕。此病傷於汗出當風。或久傷取冷所致。可與麻黃杏仁薏苡甘草湯溫服。法當微汗而解。不可大發汗。大汗則風去濕不去也。自汗去麻黃加桂枝羌活。脈浮身重。汗出惡風。防已黃耆湯。其脈浮虛而瀉。不嘔不渴者。桂枝附子湯。若內不渴外不熱。小便自利者。爲津液不足。白朮附子湯一服。覺身痺半日許再服。三服都盡。其人如冒狀。勿怪。卽是朮附並走皮中逐水氣。不得除故耳。若小便不利。惡風不欲去衣。而身微腫者。甘草附子湯。風濕相搏。一身盡痛。而脈浮自汗。或頭重鼻塞者。羌活勝濕湯。小便不利。而

微熱者。五苓散。或黃耆建中五苓散各半貼和服。又種水濕之蒸氣。及汗出當風。或中霧露。或中山風瘴濕。與風寒合者。皆中於濕。而合異氣也。宜除風濕羌活湯。微汗之。太陽病失汗。或汗後不解。身黃發熱者。先服麻黃連軹赤小豆湯。後與梔子檗皮湯。或問中濕風濕。何以別之。曰。山澤陰雨薰蒸之氣。冒襲之者。名爲中濕。此脾與腎受濕也。其證一身盡痛如薰黃。脈來沉緩。治之以燥勝濕。兼利小便。若夫汗出當風。濕氣鬱閉於腠理。此膀胱與胃受濕也。其證惡風不欲去衣。肢節疼痛。脈來浮濇。治之以風勝濕。兼取微似汗。此大法也。羅謙甫云。春夏之交。人病如傷寒。汗出體重。肢節痛。難以轉側。小便不利。此名風濕。但多服五苓散。小便通利卽愈。喻嘉言曰。風濕雖同傷太陽。而有親上親下之不同。內經謂風者。

百病之長。其變無常者是也。其中人也。風則上先受之。濕則下先受之。俱從太陽膀胱經而入。風傷其衛。濕流關節。風邪從陽而親上。濕邪從陰而親下。風邪無形而居外。濕邪有形而居內。上下內外之間。邪相搏擊。故顯汗出惡風短氣發熱頭痛。骨節煩疼。身重微腫等證。此固宜從汗解。第汗法與常法不同。用麻黃湯必加白朮。或薏苡以去其濕。用桂枝湯必去芍藥加白朮。甚者加附子以溫其經。其取汗又貴徐不貴驟。驟則風去濕存。徐則風濕俱去也。其有不可發汗者。緣風濕相搏。多夾陽虛。陽虛卽不可汗。但可用辛熱氣壯之藥。扶陽逐濕而已。凡見短氣。雖爲邪阻其正。當慮胸中陽虛。凡見汗出微喘。雖爲肺氣感邪。當慮真陽欲脫。明眼辨之。必早也。其濕流關節之痛。脉見沉細者。則非有外風與之相搏。祇名

濕痺。濕痺者。濕邪痺其身中之陽氣也。利其小便。則陽氣通行無礙。而關節之痺并解矣。設小便利已。而關節之痺不解。必其人陽氣爲濕所持。而不得外泄。或但頭間有汗。而身中無汗。反欲得被蓋向火者。又當微汗以通其陽也。經曰。傷於濕者。下先受之。曰濕流關節。言地之濕中_下人。流入四肢百節也。又曰。濕上甚爲熱。此則下受之濕。襲入三陽。胸背頭面之間。從上焦之陽。而變爲濕熱也。濕上甚爲熱。其小便必不利。以旣上之濕難於下趨。故云。治濕不利小便。非其治也。然治上甚之濕熱。不能發汗而利小便。卽爲第二義矣。若陽虛者。小便色白。不時淋漓。而多汗。正泉竭而陽欲出亡之象。一切利水之藥。不可誤施。以犯虛虛之戒。復有一種燥證。反似濕痺。以其證遍身煩疼。手足痿弱無力。脈來細潛而微。此

陰血爲火熱所傷。不能榮養百脉所致。慎勿誤認濕痺而與風藥。則火益熾而燥熱轉甚矣。宜甘寒滋潤之劑。補養陰血。兼連棗以堅之。然須視其人之形瘦色赤。方爲燥熱。若肥盛者。則爲濕熱無疑也。傷寒之兼濕熱者甚多。惜乎古所未詳。近亦罕講。丹溪雖大闡濕熱法門。然其所論皆外淫之濕。而未及本身之濕熱也。嘗讀仲景書。有論寒濕者。有論風濕者。以其兼外感之邪。故列之太陽例中。其但言濕者。則與痙喝同列。當知痙喝亦不離乎濕熱也。及觀痞論中。則治本身中濕熱之方。具在。祇恨無人道破。以致蒙昧千秋也。蓋傷寒誤下。則有痞滿之變。然亦有不經攻下而痞者。皆由其人素多痰濕。因外邪觸動。所以逆上而滿。故仲景特立瀉心湯諸法。正以祛逆上之濕熱。

也。羅謙甫云：瀉心湯諸方，取治濕熱最當。惟乾薑宜加斟酌。以熱則生火於中，恐反助濕熱為患。炮時須預熬黃連汁，乘火淬之。此標本兼得之製也。又有脾濕肺燥之人，則陰中之火易於上升，上升則咽喉作痛而乾，效須用貝母之潤，以代半夏之燥。煨薑之柔，以易乾薑之僭。更加薑汁竹瀝，以行其滯。此在臨證之權宜耳。又有胸中寒，丹田熱者，黃連湯或小陷胸合理中。其在感邪之初，未見痞滿之時，可用辛涼解表。然必兼理痰氣為要。至若停食感冒，更兼痰濕內盛，則當胸逆滿，氣道阻礙，津液固結，三四日間，便見舌胎芒刺，喘脹悶亂者，不急治，脹闕而死。速與涼膈散加葶藶，遂白芥子薑汁竹瀝，下奪之。庶可十全二三。但須明諭用藥，不可輕投，反招其謗也。在傷寒則下不厭遲，獨此證切勿延緩，稍遲則胸

腹堅如鐵石。下無及矣。况濕熱內盛之人。卽延至十日半月。內終不結。但蒸作極粘膩臭穢之物。縱使得下。百不一生也。蓋此證外因感冒。內有痰食。故爾不得下。以圖微幸。設無外內合邪。萬不可下也。下後熱退氣平。脈減小者。爲易治。下後痞滿稍減。而熱不止者。類與小陷胸加竹瀝薑汁。下後熱勢彌盛。氣愈上逆。脈仍實強。反加躁亂者。爲濕熱內潰。終難尅効。所以此證之脈。最忌滑實堅強。堅強則胃氣已竭。滑實則邪氣方張。在老人尤爲不宜。若得輒大柔和。差堪調理。然雖合劑。爲効甚艱。矧復麤工不察。每以寬膈理氣消尅之劑治之。則正氣愈耗。濕邪愈逆。有如陰霾四塞。六合皆昏矣。消尅不已。繼以硝黃下之。蓋濕熱痰飲。隨氣升降。或時腸胃胸膈。或時經絡肌腠。豈攻下所能除去者乎。與外感傳經熱結。

內傷飲食之邪。絕然不同也。嘗見屢服硝黃。脹滿愈甚。喘急不通而死者。有攻之驟脫。熱去寒起。遂至呃噦而死者。更有見其肢體重痛。不能轉側。而用羌防星半風藥者。蓋純是外感六淫之邪。可以汗解。此兼濕熱痰飲。其根本在胃。不惟汗之無益。且風藥性升。濕邪得之。則乘風上湧。平地尚爲波瀾。况元氣素有坎陷者乎。所以愈增逆滿。在所必至也。大抵蒼黑肥盛之人。及酒客輩。素與濕熱相依爲命。其在氣血強盛之年。非惟不能爲患。反能輔助作爲。逮至中年以後。正氣向衰。漸難駕馭其濕。有時搏聚於腸胃之間。則胸中嘗覺痞滿不快。或不知饑餓。或腹滿腸鳴。或行動喘促。有時溢出乎軀殼之外。則遍身脹痛。或胸脇腿脛煩疼。或手足重着攣痺。當此之時。雖無客邪。尚難調理。稍加外感。引動其泛濫之勢。則

胸高喘滿。腹脹身疼。惡熱煩悶。嘔逆自利。無所不至矣。此非
外邪勢重而然也。乃本身中素與元氣渾合之邪。一旦乘機
竊發。同舟皆敵國矣。復有素稟濕熱而挾陰虛者。在膏粱輩
少壯時。每多患此。較之中年已後觸發者更劇。又與尋常濕
熱迥異。當推河間東垣類中風例治。庶或近之。其方藥詳醫
歸濕熱本門。茲不瑣述。蓋濕熱已是固疾難除。兼之下虛攻
擊將何所持。若更加外感。卽倉扁復生。難於圖治矣。
夏月多有感冒非時寒氣。傷風中濕。風濕濕熱濕溫。與喝暑
熱病最要辨晰。其傷風感寒已辨如上。但熱病則脈盛身熱。
不惡寒。但惡熱。而煩渴。中喝則脈洪。大汗出。喘渴引飲。中暑
則脈虛。背微惡寒。身拘急。濕溫則脈濡。小急。汗多足冷。濕熱
則形盛喘脹。中濕則一身疼重。而或發黃。風濕則關節腫痛。

自汗惡風不欲去衣爲異耳。

濕家大發其汗則致瘧。中風頭痛常自汗出而嘔者汗之必發瘧。新產血虛汗出傷風亦作瘧。故仲景有瘡家雖身疼痛不可發汗之戒。皆發汗太過經虛生風所致。其證頸項強急頭熱面赤日脈赤足冷脛寒頭搖背反張口噤咬牙手足攣搐。通用小續命湯。剛瘧爲陽去附子。柔瘧爲陰去麻黃。凡大陽病發熱惡寒無汗小便反少氣上衝胸口噤不語其脈浮緊目開者名剛瘧。此爲中風重感於寒。葛根湯主之。太陽證備發熱不惡寒身體強几几然脈反沉遲有汗目閉者名柔瘧。此爲中風重感於濕。桂枝湯加栝蒌根二兩節菴通用。如聖飲加減主治。若汗多亡陽下多亡陰致筋脈失養不柔和而成瘧。無外邪可解者。惟宜補養氣血。十全大補人參養營

大建中湯選用。至於新產血虛。金瘡出血過多。皆能成瘧。惟
脈虛小可治。若實大者難愈也。仲景言剛柔二瘧。並屬太陽。
以太陽經行身之後。故頭項強急而反張也。瘧病胸滿口噤。
臥不着席。脚攣急必齟齒。若不大便者。可與大承氣湯。此論
屬陽明矣。若往來寒熱。或左右一日牽斜。或左右一手搐搦。
脈弦數者。少陽瘧也。宜小柴胡加防風。其曰頭低視下。手足
牽引。肘膝相構。海藏指爲陽明。此實三陰瘧也。陰邪固宜攻
下。然欲行大承氣。亦須察其內實。脈沉有力。乃可下之。又有
結胸證。如柔瘧狀者。此熱在胸中。心下必痛。宜大陷胸圓大
下之。仲景如字最妙。如瘧而非瘧。不可以風藥誤治也。凡陰
證。脈沉細者。附子散。白朮附子湯。選用。服藥後。汗出身和者
吉。若脈來沉遲。或緊細。而大便自利者。皆死證也。熱病發瘧。

腰折癰癧。齒噤斷者死。按瘧爲發汗太過。血不榮筋之候。故亡血新產瘡家虛家。易犯此證。無論陰陽剛柔脉類。總之正衰邪盛。卒難救療。大率瘧證之屬三陰者。及陽證陰脉者。皆不可救。其證日正圓及戴眼者不治。所以仲景但論三陽治法。而不及三陰也。

春深長夏之時。多有勞力感寒內傷之證。與外感證類相似。內傷亦發熱頭痛畏寒。惟門隙中賊風最惡之。若在大風處。反不惡也。畏寒得暖則解。雖寒熱間作而不齊。出言懶怯。口淡無味。腹中不和。手心大熱而手背不熱。兩脇俱熱。蓋內傷自內達表。先少陽也。若外感風寒之證。頭疼發熱。無休止時。寒熱齊作。而驟發不止。寒雖近火不除。出言重濁。鼻中氣麤。一身盡熱。蓋外感自表入裏。先太陽也。然溫熱亦自內達表。

先見少陽證。腋下熱而脇滿。驟然發熱如火。大渴煩躁引飲。頭面目舌俱赤。喘麤氣盛。絕不似內傷。面目萎黃。唇舌淡白。短氣力怯等證也。內傷氣口脈虛大。外感人迎脈緊盛。溫熱則氣口脈洪盛爲異耳。若內傷夾外感。則人迎緊盛而氣口虛大。其證發熱惡寒。頭痛自汗。五心煩熱。遍身骨節俱疼。宜補中益氣加桂枝。無汗加羌活。若陽氣不得下通而足冷者。去升麻易葛根。少加熟附子羌活。外感多於內傷者。黃耆建中湯加羌防。若顛脹目疼。眉稜骨痛。加葱豉微汗之。若兼停滯飲食。則人迎氣口俱緊盛而滑實。嘔逆膈上痛。治宜先撤外感。兼溫氣豁痰。然後消導。慎不可使用峻利之劑。又等負重作勞之人。內傷飲食。外感風寒。且素多畜血者。其證渾身壯熱。頭疼骨節痛。胸脇痞滿或痛。六脈洪盛。重按却無力。或

弦緊急強。嘔逆不食。或泄利或便秘。以外感藥解表。則正氣愈衰。以溫補藥理脾。則助邪轉盛。並宜五積散加減。但此輩多有食積。痧傷。胃脘結滯者。慎不可用白朮。宜加桃仁。當歸等藥。六七日大便不行者。大柴胡微利之。若少腹痛而小便利者。爲血畜下焦。桃核承氣代抵當丸選用。下盡黑物。然後調理。○江應宿云。大江以南。溫暖之方。正傷寒病者。十無一二。所以傷寒屬內傷者。十居八九。故丹溪主乎溫散。有卒中天地之寒氣。有口傷生冷之寒物。皆以溫養兼發散之法。實本內經成敗。倚伏生於動。動而不息。則變作。及風雨寒暑。不得虛邪。不能獨傷人之旨也。蓋凡外感寒者。必先因動作煩勞不已。內傷於氣。然後外邪得入。故傷寒爲病。兼內傷者。十常八九也。○今人外感兼內傷者甚多。用藥全要分別。如外

感重內傷輕。則治外感藥。宜用緩劑。小劑。及薑棗和中。頻頻與服。庶無大動正氣。如外感輕。內傷重。則用藥全以內傷爲主。加入透表藥一二味。而熱服。以助藥勢。則外感自散。蓋內傷之人。纔有些微外感。卽時發病。非若壯盛之人。必所感重。而病乃發也。設以頭暈發熱。認爲太陽證。誤表其汗。則內傷必轉增。而危殆在所必至矣。又或誤認傷寒。而絕其食。已虛益虛。往往至於不救。然外感之邪。與正氣交爭。必然神志昏亂。內傷因正氣本虛。必然神識清明。至死不亂也。又諸虛煩熱。與傷寒相似。一虛一實。不可不察。其虛煩發熱。亦惡風自汗。心中溫溫欲吐。憤憤無奈。但脈不浮緊。頭不疼。身不痛。爲異耳。然虛火上炎。亦微微頭痛。時時悶熱。但時發時止。與外感不同。蓋虛煩脈雖大而數。按之必虛微無力。當

以甘溫補其中。補中益氣少加炒黑黃檗。以滋腎水。兼進地黃丸可也。中上大抵陰虛必生煩躁。故叔和有云。虛煩有熱不可攻。恐令熱去則寒起。此誠格言也。發汗吐下後。虛煩不得臥。若劇者必反覆顛倒。心中懊懣者。梔子豉湯湧吐之。又心中悸而煩者。小建中湯。先煩而悸者為熱。先悸而煩者為虛也。傷寒病後虛煩。竹葉石膏湯為聖藥。但不可施於嚴冬。若大寒之時。可用十味溫膽湯代之。誤用涼藥。虛煩愈甚而躁渴。脈愈大而虛者。切不可與水。急用五苓散加人參。潞湯春若上盛下虛。煩躁自利。手足冷者。竹葉石膏湯去石膏加熟附。既濟過經後熱不解。或屢下熱不解。脈虛數而煩者。參胡三白湯。或小柴胡加減。虛煩不得眠。或發熱痞悶。脈虛而嘔者。參胡溫膽湯。汗吐下後。表解無熱。但虛煩不得眠者。酸棗湯。凡

內傷虛煩。脚氣痰飲食積等證。雖有身熱頭痛。俱不可發汗也。至於脚氣爲病。亦令人頭痛發熱。肢節疼痛。甚則嘔逆便秘。有似傷寒。但初起於脚膝熱腫。或屈弱不能動移爲異耳。然有寒濕濕熱之不同。其兩脛焮赤而腫熱者爲濕熱也。黃白而腫冷者爲寒濕也。又有風寒濕熱之辨。如脉浮爲風。緊爲寒。濡爲濕。數爲熱。總之風寒爲標。濕熱爲本。靈樞云。身半已上者。風中之也。身半以下者。濕中之也。蓋由腎水虛憊。風濕之氣乘虛而襲。因有斯疾。然婦人亦有病脚氣者。必因胞絡血海虛邪乘七情所致。以胞絡屬腎。故與男子腎虛同類。治法雖畧有氣血之分。而大意不殊。但兼用開鬱藥無不効也。昔人槩以小續命加減主治。左關脉浮起於風。去麻黃附子

人參加羌獨活。沉遲或緊起於寒。去麻黃人參加薑汁。脈數有力起於熱。去麻黃附子人參加黃芩黃檗羌獨活。脈沉濡弱起於濕。去麻黃人參加草龍膽木瓜。脚腫加木瓜檳榔。大便實加大黃。或東垣羌活導滯湯最妙。然其證始則受濕。復挾風寒暑熱而成。初起不覺。因他病乃發。不專主在一氣。亦不專主一經。然此等必屬腎虛。若用小續命。須隨證加減。慎勿以麻黃輕試。即使風能勝濕。亦須以羌防輩代之。斷不可以下中風傷寒法混治。此證最忌溫補。尤不可用藥湯薰洗。俟病熱稍去。然後改用滋補腎肝之藥。更參醫婦脚氣門治之。至霍亂證。仲景與傷寒並類。觀其所言。傷寒四五日至陰經上。轉入陰必利。本嘔下利者不治。則知霍亂不可輕治也。蓋傷寒吐利與霍亂不同。傷寒吐利爲邪氣所傷。雖吐利而不

撩亂霍亂吐利。是飲食所傷。必暴煩躁擾而撩亂也。又有內
外不和。加之頭痛發熱吐利。是霍亂兼傷寒也。此證雖屬脾
胃。亦主腎肝。有陰陽寒熱之不同。凡冬月外感寒氣。內傷冷
物。鬱遏停滯不化。嘔逆泄瀉霍亂。脉沈細或伏者。屬太陰。理
中湯。臍上有築築動氣者。去朮加桂苓。厥逆惡寒。加熟附子。
脉雖沉而轉筋煩躁發熱者。當作熱治。不可以其脉沉而誤
認爲寒也。大抵霍亂有一毫口渴轉筋者。卽係熱證。惟四肢
逆冷下利清穀惡寒不渴者。方爲寒證也。熱多而渴者。五苓
散。寒多不渴者。理中湯。渴不能飲小便不利者。二湯合用。若
吐逆下利心腹卒痛者。爲寒食內結。金匱大建中湯。嘔逆腹
痛下利而頭痛發熱者。爲風氣內薄。小建中湯。轉筋反戾。爲
風水行痺。宜平胃散加木瓜。憎寒壯熱頭痛眩暈。爲風痰夾

攻藿香正氣散。嘔逆頭疼。發熱背惡寒。煩躁面垢而齒燥者。爲風暑內薄。消暑十全散。嘔逆腹痛泄瀉。或寒熱如瘧。爲暑食相兼。宜十味香薷飲加減。或六和湯之類。吐逆下利。煩渴引飲。爲鬱熱留滯。五苓合益元散。夏秋之間。因伏暑而致霍亂。吐利煩躁。或腹痛自汗。六脈雖沉。手足雖冷。不可用熱藥。如果脈弱陽虛。腹痛喜得溫。按泄瀉不臭穢者。來復丹。又有吐瀉後熱伏於內。外則冰冷。六脈沈細欲絕。湯藥不下。或發呃逆。此火氣奔上而然也。醫不能察。認作陰證。投以溫藥。愈服愈吐。當驗其口渴。以凉水與之。則不吐矣。後用香薷飲加黃連麥冬通草等藥服之。其脈漸出者生。凡冒暑之霍亂吐瀉。以治暑利水爲主。避暑之霍亂吐瀉。以和中溫胃爲主。不可不辨也。又如欲吐不吐。欲利不利。上下不通。腹滿痛而頭

疼發熱者。桂枝大黃湯。此乾霍亂多死。因邪氣壅塞。上下痞隔也。宜用法先探吐之。蓋邪在上焦則吐。下焦則利。中焦既吐且利。邪氣得以泄去也。若乾嘔霍亂。兼大小便不利。卽是闕格證也。至於舌卷陽縮入腹者。不治。然霍亂爲胃氣反逆。誤犯穀氣必死。非傷寒溫熱之比也。傷寒邪熱不散。遊溢經絡。出入藏府。熱氣所過。則爲癰膿。又厥逆脈數。其熱不罷者。此爲熱氣有餘。必發癰膿。若邪熱遊於經絡。則發外毒。出入藏府。則爲內癰。急當消散爲主。稍遲則膿成難愈矣。經曰。火尅西方金。法當癰膿。其證效而喘滿。咽燥不渴。多唾濁沫。時時振寒。熱之所過。血爲凝滯。畜結癰膿。吐如米粥。始萌可救。膿成則死。又效逆上氣。時時唾濁。坐不得眠。皂莢丸主之。效而胸滿。振寒脈數。咽不渴。時時濁唾。

腥臭。久久吐膿如米粥者。桔梗湯主之。肺癰不得卧。葶藶大
棗瀉肺湯主之。又肺癰胸滿脹。一身面目浮腫。鼻塞清涕出。
不聞香臭酸辛。效逆遺尿。喘鳴迫塞。先服小青龍湯一劑。乃
進葶藶大棗瀉肺湯。三日一服。可服至三四劑。大抵初起。慎
不可用保肺藥。得補則助邪成膿也。所以宋人十六味桔梗
湯。葶藶薏苡瀉肺湯。皆為合劑。潰後膿盡。方可用異功生脉
加歸薯欬之。排膿用金鯉湯。妊婦尤宜。以活鯉魚一尾。重四
五兩者。去腸入貝母末一錢。在腹。白色童便一碗。隔水頓熟。
去鱗骨。作二三次。并汁食之。七日當効。又肺癰初起。陳芥蘘
汁吐之。屢効。其脉初起不宜大數。潰後最忌短瀼。脉來緩滑
面白者生。急疾面赤者死。又脉忽大忽小者死。痿軟如平人
者死。忽然屈伸者死。真氣敗也。面白或黑或赤者死。聲啞啞

者死。性急躁求速愈者不治。若胃脘隱痛而手不可近。右關沈細。人迎逆而盛者。胃脘癰也。馬仲化云。胃爲水穀之海。其經多氣多血。脉見右關。本宜洪盛。而反沉細。則是胃氣已逆。故沉細如此。人迎者。胃經穴名。在結喉兩傍。動脉應手。其脈見於左寸。今右關沉細。人迎甚盛。則是熱聚胃口而不行耳。經曰。熱聚於胃口而不行。胃脘爲癰。胃脘屬陽明經。陽明氣逆則嘔。故膿不自效出。而從嘔出。嘔是膿之淤濁。薰蒸穀氣故嘔。若膿出則嘔自愈。夫癰之在胃脘上口者則然。若過乎中。在膈之下者。膿則不從嘔出。而從大便出矣。所以今世槩用涼膈散治之。若膿血自上而吐。當用射干湯。深得其旨也。孫真人云。腸癰爲病。小腹重。強按之則痛。小便如淋。時時汗出。惡寒。身皮甲錯。腹皮急。腫脹大。轉側有水聲。此膿已成。或透臍

生瘡。或膿從臍出。或從大便而下。皆因飲食不節所致。無論已成未成。俱用大黃牡丹湯加犀角急服之。小腹痛而腫滿不食。小便不利。膿壅滯也。用薏苡牡皮桃仁萐仁煎服。以排之。若膿從大便出者。為直腸癰。易治。若從臍中出者。為盤腸癰。難治。經云。腸癰為病。不可驚。驚則腸斷而死。故患是證者。其坐臥轉側。理宜徐緩。時少飲薄粥。及保元湯。固其元氣。為主。準繩云。凡腸癰初起。發熱惡寒。腹中疝痛。人鮮能辨。因循不識。誤作脹治。致毒攻內藏。煩躁口乾。時時驚悸。陰器腐爛。臭敗無膿。每流污水。不可治也。昔有患腸癰發熱者。庸醫作傷寒治之。絕其飲食。旬飲而斃。垂發之日。下膿血數升。方知是癰。欲救之已無及矣。

赤膈者。胸膈赤而疼痛發熱。頭疼體痛。或胸脇赤腫發疱者。

屬少陽風熱。非正傷寒也。宜荆防敗毒去參加苓連犀角紫
荆皮主之。若表證已退。大便燥結。涼膈散。若半表半裏。合小
柴胡。去參加枳桔。又宜稜鍼刺腫處。出血以瀉其熱毒。則易
愈矣。

黃耳者。耳中策策痛。而耳輪黃。風入於腎也。卒然變惡寒發
熱。脊強背直如瘕狀。此屬太陽類傷寒也。宜荆防敗毒去參
甚則小續命去附子加白附蔓荆殭蠶天麻。更以苦參或骨
碎補磨水滴耳中良。

凡傷寒寒疫溫病熱病。多有夾食夾痰等證。若宿食傷脾。則氣口瀉滯不調。傷胃則滑實流利。亦有遲滑及止促者。若宿食在上脘。并人迎亦滑盛。若宿滯已歸大府。則氣口雖浮大。而按之必瀉也。若脈來滑盛。胸滿痞悶。嘔逆氣麤者。冬宜五積散。調中湯。選用。餘時芎蘇正氣爲主。中有二陳。使痰食無留滯之患。喘滿加厚朴杏仁。若解表藥中。混用消導裏藥。必引邪內入。而成結胸下利等證也。然又不可純用升散表藥。若專一升散。則宿食上逆。而成臌脹不通矣。故於解表藥中。兼理氣豁痰。使之流動。俟表邪解散。然後專力治內。庶無引賊破家之虞。所以芎蘇正氣爲停食感冒之的方。若四五日脈來滑數。胸前熱甚者。宿食發熱也。調中飲加減。若脈來沉滑。雖寒食內結。其人胃氣不虛。尚可溫中消散。若夾食而氣

口反濇滯伏結。或始雖淨大而按之漸虛小。其證身熱足冷。或腹痛或頭痛。但胸膈滿悶。時或躁煩者。必其人元氣素虛。堅韌之物固結中宮。胃中陽氣不得下通。故但足冷而手不冷也。可用五積散去取。頭痛者陽邪上鬱也。甘草乾薑湯加葱豉以通其陽。腹痛者陰氣下結也。枳實理中湯加熟附以通其陰。若曾服過峻利藥。消導太過。致自利厥逆。痞滿不除者。桂枝人參湯。若曾誤下而熱邪內陷。愈加脹滿。壯熱不止者。小陷胸合枳實理中。若過汗傷血。小便秘濇。枳實理中加歸芍。或真武湯中加當歸。秘旨云。陰虛之人。傷寒與傷食皆難用藥。若陰虛傷寒。更兼傷食者。爲不治之候。所以昔人從無治法。余嘗以小建中湯。用肉桂酒製。生芍藥。內以溫其中。厚朴汁製甘草。內以散其滯。更加枳桔砂仁。以行其氣。熱

除後以八味丸除去桂附減地黃加沉香砂仁調理自安。復有中氣虛者更兼感冒停食則以補中益氣用桂枝酒製黃耆內以調其營砂仁汁製甘草內以行其滯枳實汁製生白朮內以消其滿熱服微汗爲効。惟氣口脈大而按之滯滯或浮取小瀉而久按愈覺有力大便五六日不行臍下按之痛者此爲大腸氣鬱而脈瀉當用大承氣下之。凡傷寒夾食既久痰飲固結有屢用承氣湯不効者黃龍湯主之內有人參助胃以祛宿垢也。○溫病熱病時疫夾食無論表裏證見日數多少並宜涼膈散加消導藥最當。○傷寒夾食十常四五或先傷食而後感寒或先受寒而後傷食或病勢少間而強與飲食重複發熱甚至讖語躁狂舌短目睛變證百出况復醫者不察病之表裏先後標本虛實或當先解表而反兼

治其裏。或當急治本。而反先治其標。橫行逆施。往往多致不救。可不慎歟。至於食積不化。證類傷寒。外證亦發熱惡寒。但頭不疼痛為異。且氣口脈必不和。而惡食吞酸。噯氣腹滿。欲吐不吐。嘔逆痞悶。見此證者。卽當以調中飲治之。外感勢盛者。調中湯主之。

又夾痰積。與夾食證類相似。更宜審諦。蓋痰者津液所化。由風傷於肺。濕傷於脾。肺氣不清。脾氣凝濁而成。無論風寒濕熱內傷等證。必增嘔逆眩暈。風寒夾痰。則令人欬嗽。氣逆。溫熱夾痰。則令人昏眩痞悶。內傷夾痰。則令人吐逆妨食。但外感風痰。則寸口浮滑。發熱頭痛。欬嗽自汗。宜金沸草散及芎蘇散。溫病熱夾痰。則關脈滑盛。痞悶聲嘶。宜涼膈雙解。內傷氣虛夾痰。則氣口脈滑而濡。欬吐涎飲。宜二陳湯加生朮。

於潛者良。虛人六君子加香砂。蓋白朮熟則補脾臍膈。生則豁痰散血。燥濕利水。人多不知也。凡人中脘有停痰留飲。亦令憎寒發熱。惡風自汗。喘欬胸膈滿悶。氣上衝咽。喉不得息。有似傷寒。但身不疼。項不强。為異。若涎多者。亦隱隱頭痛。清痰亦隱隱腹痛。然止發。不以其時。目睛微定。眼胞上下如煤炭色是也。其脉左手和平。右關濡滑。或寸口伏匿。俱宜小柴胡去參加茯苓橘皮。或二陳湯隨證上下加引經藥。要以分尋出路為主。至於痰迷心竅如崇者。與傷寒陽明發狂相似。但口中時吐涎沫。胸腹按之不痛。辨之宜加味導痰湯。加減氣上衝胸。脉滑而遲者。為痰伏膈上。宜瓜蒂散。虛人只用稀涎散探吐之。嘗見外感夾痰證。脉不甚浮。不宜大發其汗。激動其痰。則嘔不能食。宜於理氣藥中合解散之劑。如香蘇散正氣

散之類。氣順則痰化矣。痰飲證類實繁。姑就夾證數條。與傷

寒有關涉者辨論。餘不贅及。

夫夾食夾痰。長沙既無治法。前人亦未辨論。無怪後世治之
不得其當。至如夾水。長沙方論具備。何今世無一人能用之
者。蓋此水卽肺之液也。風寒傷人皮毛。肺先受之。肺爲金。
生水。肺既受傷。不能行其水液至腎。遂停留心下。爲效爲喘。
及乾嘔發熱等證。故以小青龍發散風寒。并滌肺經停留之
液。必令作汗以泄之。故方中用麻黃細辛。以開發皮膚也。始
失其治。乘所不勝。則傳少陽之分。而變心下痞。鞞引脇下痛。
乾嘔短氣等證。又處十棗湯以攻逐之。若更失治。木復傳土。
則漬入胃而成協熱利也。若水在少陽部分。不傳入胃。遊溢
經絡。則藏府不受其邪。大熱得以差可。惟腰以下重。足脛浮

腫小便不利者。重則牡蠣澤瀉散。輕則五苓散加防已主之。
又少陰病。腹痛小便不利。四肢沉重疼痛。自下利者。此爲有
水氣。或欬或嘔者。真武湯主之。此又腎虛不能制邪水也。則
知治水之法。不獨今世無人。在昔知者亦鮮矣。
傷寒之夾水既多。而夾血證復不少。然夾血與蓄血不同。其
人素有內傷跌撲。停經血瘀。及暴怒傷肝。皆有瘀積。因傷寒
溫疫等證。發動痼疾。謂之夾血。必有痛處定而不移。治宜察
其部分。消息微甚。用藥又有跌撲打傷。一時不覺。過數日寒
熱乃作。有似傷寒。脈當堅強。最忌細澀。脇痛少腹痛。手不可
按。甚至昏迷不省。少頃復甦。乃瘀血上衝所致也。其人大便
或秘或黑。輕則香殼散。重則代抵當丸。或桃核承氣湯加炮
川山甲一錢。最破瘀積。寒熱更加柴胡當歸。在經絡當歸活

血湯在胃口。犀角地黃湯加酒大黃。若更兼寒食停滯中脘。或腹中作痛者。枳實理中湯重則加乾漆灰二三分。輕則加薑汁炒黑山查肉。又或脫衣鬪毆兼感風寒。有表證者。必先解表邪。然後治血。如欲發汗。宜桂枝湯芫蘇散等。並加歸附桂心。甚則加延胡索蓬朮。不得行麻黃青龍等湯。亦不得用寒涼止血之劑。蓋血得熱則行。得寒則凝。瘀結不散。必發熱如狂。欬喘嘔逆。若發汗太過。誤觸瘀血。則或嘔或泄。或發呃逆。但活血則嘔泄呃逆自止。然既發熱。則攻血藥中必加乾漆炒黃連。非此化熱。則血不得散也。若嘔泄之血。其色紅紫而散者可治。色如凝然。而凝結成塊。多兼血水。此正氣已脫。邪不能留也。又或如汚泥。而粘膩不斷。臭穢異常者。此津氣已敗。與濁腐同下也。至於當汗不汗。太陽之邪內結。則爲畜

血。與夫邪氣在經而爲衄血。熱邪在胃而爲吐血。及諸失血。家淋家。與婦人經水適來適斷。俱不可發汗。發汗則動血。又三陰無熱。不可強責其汗。經曰。少陰病。但厥無汗。而強發之。必動其血。名下厥上竭。爲難治。言血脫則陽氣竭於上。陰氣厥於下也。卽用當歸四逆湯。多不可救。

又有奮力鬪毆之人。脫衣露體。觸犯風寒。謂之夾氣傷寒。今人但知用理氣藥。不知兼有夾血夾食者。其證惡寒發熱。肌骨疼痛。胸膈脹閉。氣逆喘呼。若其脈浮緊。則宜輕劑發散。兼理氣寬胸。如局方香蘇散最宜。有食則加枳殼厚朴。痰加半夏茯苓。感寒嗽則加羌活桔梗。傷熱欬則加萎蕤薄荷。頭痛加川芎白芷。四時不正之氣。加藿香。甚則芎蘇散主之。若脈弦緊。或有伏結。爲積血在內。當用破血利氣藥。如香殼散之。

類有食不妨用溫中消導如調中散正氣散皆可若但恚怒傷氣只用小柴胡去參苓加橘皮枳殼若脇下痛爲鬱怒傷肝當歸活血湯少腹急痛爲有瘀血結聚桃核承氣或代抵當湯又有暴怒鬱抑不得發泄形厥如屍不語如瘖者宜用沉香降氣散若但鬱悶不得發泄之人偶感風寒或發伏氣或傷暑熱或兼內傷俱隨證用藥但畧兼開鬱理氣不可行破血消導也

復有房室不謹之後感冒風寒及恣意乘涼觸犯風寒勞役傷精而病者謂之夾陰其證亦發熱頭痛胸膈痞悶若陰火上乘則面赤而足脛逆冷蓋陽病必頭痛陰病必足冷內經所謂陽病者上行極而下陰病者下行極而上也其與

發外故發熱煩渴而躁亂不寧真陽不能下通於

不能熱而陽道痿縮也。按盛起東云：治熱須辨真假。夫真熱則發熱惡寒，脈數有力。按之更實，躁煩口渴，大便燥，小便赤澀，或利臭積，發言壯厲，不欲近衣者是也。親乎表者宜發散，親乎裏者宜通泄。假熱亦發熱惡寒，而足必不熱，脈大而虛。按之微弱，身雖熾熱而不躁不渴，或見虛狂而頃之即止。終不及聲高詈罵者也。經曰：寒熱有真假。治法有逆從。此之謂也。外編云：夾陰傷寒，乃太陽少陰二經同時受病，較之純陰證倍危。在傷寒寒疫，猶或可治。若溫病熱病時行疫癘，百不一生。諺云：傷寒偏死下虛人。以其外極亢熱，內極虛寒。溫經之藥，萬不可施。以故必死。即傷寒夾陰，治之不得其宜，終亦必亡而已。每見庸工治夾陰傷寒，用小柴胡和之，多致厥嘔噦呃而死者。以不勝黃芩之陰寒也。亦有見其足冷陽縮。

用四逆湯溫之。多致煩躁血溢而死者。以不勝附子之雄悍也。宜小建中黃耆建中加減。○秘旨云。若脈來尺中遲弱無力。而足冷陽縮者。於黃耆建中湯內。用生附汁製入黃耆以溫衛氣。肉桂酒製入芍藥以調營血。不應改用參製黃耆。麻附細辛汁製甘草以汗之。若尺中弦數而多虛火。面赤戴陽者。於小建中湯內。用人參汁製入甘草以助胃氣。丹皮酒製入芍藥以降陰火。不應加連附汁製黃耆。及葱白香豉以攝之。若春夏感冒夾陰。通用黃芪建中湯加減。蓋陰虛之人。雖患表邪發熱。其中必夾陰象。所以尺脈必不能實。足脛必不能溫。用藥最爲扼腕。較陽虛之可用溫補。迥乎不侔也。至於溫病熱病之夾陰。雖長沙復生。難於措指。惟暴感風寒夾陰。可用上法治之。內經云。脈實滿。手足寒。頭熱。春秋則生。冬夏

則死。可見夾陰傷寒。病於嚴冬。熱病失陰。發於盛夏者。皆真陽憊極。邪氣亢甚。多死也。若夫感冒夾陰。其人陽氣雖虛。春秋本無大寒傷犯。邪氣原輕。猶可治之。非熱病大熱手足寒之比也。其中暑夾陰治法。詳本例中。

至如遠行遇雨。則寒濕之氣。先從汗孔襲入背俞。況雨氣通於腎。雖有發熱頭痛欬逆等證。解表藥中。必先通少陰之經。而兼開發肺氣。故細辛羌活。在所必用。所以首推神朮湯爲主。又須隨時令寒暄。元氣盛衰。加減始爲合劑。若冒雨而更加之。以風則風濕相搏。一身盡痛。當與除風濕羌活湯。或小建中去芍藥。加蒼朮羌防。濕襲陽明而發熱者。茯苓桂枝白朮甘草湯。大抵此證。雖當盛暑。亦忌寒涼。若遇嚴冬。稍加麻附。飢後則加白朮。飽後則加橘半。勞役傷氣。而冒雨涉水。發

熱喘欬。則宜補中益氣加細辛炮薑。若水寒之氣傷肺而喘。欬不止者。又以小青龍加減。陽虛者去麻黃加附子白朮爲主治也。

若夫遭風溺水。最忌熱酒火烘。惟宜溫煖覆蓋。原其溺水之時。必多驚恐。心腎受傷。雖有發熱頭痛骨節疼痛等證。解表藥中。必兼通心腎。在冬月麻黃附子細辛湯。或小青龍加生附子三五分。益麻黃發汗通心。附子溫經通腎。細辛通徹表裏之邪。更宜稍加苓半以開豁驚痰。若在夏月。則麻附皆所禁用。當以五苓散加硃砂熱服一半。探吐取汗。更服一半。蓋驚則氣亂。故宜去濕利水藥中加硃砂。或脈浮而見表證多者。五苓散合小柴胡。各半貼和解之。或五苓散合羌活勝濕湯。各半貼微汗之。至於暴怒悲號。投河躍井。雖有表證當解。

須香蘇散加撫芎木香烏藥理氣爲要。跌傷加當歸桃仁桂
枝。安有溺水而不驚不氣不受傷者。但當取其所勝治之。其
有天時寒冷兼挾冷食傷脾與夫曾犯房室而遭風覆溺。及
冒雨涉水傷腎而病身熱足冷者。皆當參夾陰例治。
夫傷寒證類多端。且多挾見諸證。非刻意精別用藥。必致差
誤。卽如婦人傷寒。多兼經候胎產。調治更難。經行之時。雖有
外感風寒。必和解中兼調血爲主。如小柴胡合芎歸丹皮之
類。否則邪傷衝任而爲熱入血室矣。又辨脈法云。寸口脈
弦而大。弦則爲減。大則爲菀。減則爲寒。菀則爲虛。寒虛相搏。
此名爲革。婦人則半產漏下。男子則亡血失精。此條傷寒論
中不出方。而金匱半產漏下。主以旋復花湯。方用旋復葱白
新絳三味。則知其意多從表邪起見。與男子虛勞失精之用。

小建中黃耆建中桂枝加龍骨牡蠣等方同義大抵虛勞失血而見弦大之脉皆是外感誤治而成此云脉弦而大按之減小者謂之芤明是表邪不解裏血受傷之候若更指下堅強如按鼓皮則謂之革又爲邪勝正衰胃氣革除之候而仲景毫不以虛爲慮仍用旋復之解結葱白之散邪新淥絳帛之入膀胱而和血卽如後世用一味防風丸治風入胞門之崩與此方藥雖異而理不殊也。妊娠傷寒首宜固胎順氣雖見脉緊無汗切不可用麻黃青龍及一切解表猛劑以風藥性升皆犯胎氣也其脉以緩滑流利爲順虛瀯及躁急不調爲逆其解肌藥惟桂枝湯無礙金匱云婦人得平脈陰脉小弱其人渴不能食無寒熱名妊娠桂枝湯主之則知妊娠雖無表證亦宜用此以和營衛也鄭虛庵曰妊娠傷風無論

時月及月分多少。俱宜嚴氏紫蘇飲。多加葱白。安胎爲要。欬嗽多者。金沸草散加減。妊娠傷寒。輕者浙浙惡寒。翕翕發熱。重則頭痛身疼。久而傷胎。亦宜紫蘇飲。或香蘇散。並加葱白。香豉。倘至半產胎傷。多致不救也。妊娠而犯冬溫。溫熱疫癘。多致傷胎。若冬溫則陽旦湯。春溫則黃芩湯。熱病則白虎湯。時行疫癘則達原飲。不惟善解熱毒。兼能護持胎氣。更無藉於井泥塗臍之法也。若實熱便悶。急宜涼膈散承氣湯下之。庶免邪熱傷胎之患。惟大小便如常。知裏無熱。慎不可下之。妄下引邪內入。必致傷胎無疑。若下後熱不退。白虎與承氣並用。或前後而用。若誤用參耆。墮遏毒邪。則胎愈不安也。倘見腰腹痛。必墮無疑。須預言之。藥無及矣。若其脈數疾無倫。喘脹嘔逆。腹中重墜。不能轉側。當臍久按覺冷。或有瘀垢下。

行。但看舌色及爪甲青黑。其胎已死也。急宜平胃散煎成調
芒硝半兩許下之。虛極不勝藥力者。加人參兩許。駕馭之。若
并脣面青黑而嘔噦不止。口中有穢氣者。子母俱死。切勿用
藥。

新產感冒發熱。大爲危候。然有產時傷力。或去血過多。或惡
露不行。或早起勞動。或飲食停滯。及蒸乳一切發熱。不可誤
認外感。妄施汗劑。以其氣血大虧。百病乘虛而入。即使更受
風寒。亦宜調理氣血爲主。其脈以小弱滑利爲吉。緊實堅大
爲逆。數大散漫亦危。更須問惡露行與不行。小腹痛與不痛。
若痛者以行氣導血爲先。新產小腹結痛。炒黑山查肉三五
錢。炒黑砂糖兩許煎服。瘀血卽行。其痛立止。虛人加人參炙
甘草炮薑茯苓澤蘭之類。風寒則加桂枝二三服自効。若小

腹不疼。頭痛身熱。惡寒無汗。或喘或欬。宜香蘇散。有食小劑。芎蘇參蘇。隨氣血取用。有瘀血兼行血藥。值時行不正之氣。遍身疼痛無汗。敗毒散。或香蘇散。加葱白香豉。金匱云。產後中風。數日不解。頭痛惡寒。有熱心下悶乾嘔。汗出雖久。陽旦證續在者。可與陽旦湯。又曰。產後中風發熱。而面正赤。喘而頭痛。竹葉湯主之。又云。婦人在草蓐中。自發露得風。四肢苦煩熱。頭痛者。與小柴胡湯。鄭虛庵云。凡產後傷寒。切不可遽用小柴胡。以有黃芩在內。易停惡血。傷人也。產後雖犯時疫。宜柴胡四物湯加減。卽小柴胡合四物湯素問云。乳子而病熱。脉懸小。手足溫則生。寒則死。此言傷寒也。乳子中風熱。喘鳴肩息者。脉實大而緩則生。急則死。此言傷風也。通宜小建中加葱豉。乳子者。言產後以乳哺子也。張介賓類入小兒門。大繆。產後

傷風寒熱如瘧。兼腹內拘急。不能食。宜小柴胡去黃芩加當歸紅花丹皮。甚則加炮薑茯苓去瘀爲主。雖有大熱不得用苦寒。產後虛羸寒熱。有似外感。食少腹脹。方書俱用增損柴胡湯。然不若柴胡桂枝湯去黃芩加川芎。和其營衛。庶免禱勞之患。婦人血風。因大脫血。而虛熱燥結。熱甚則風生。其證煩躁身熱。循衣摸床。撮空閉目。不省人事。揚手擲足。搖動不安。錯語神昏。脈浮而虛。或弦革者。難治。宜生地黃黃連湯。脈實稍加酒大黃。產後傷寒。切不可過用表藥。多汗經虛。每致發瘧也。凡胎前發熱。理中合四物。太白朮地黃加柴胡茯苓。產後發熱。四君子入桂枝芎歸。臨產發熱。逍遙散加減。產婦血虛。最易發熱。不可一槩認爲外感也。今之醫者治病。一見發熱。便認外感。不論風寒營衛及裏實。

便鞭。槩用發散。鮮不誤人。如裏發熱。認作表發熱者。其脈浮緊。無汗。爲傷寒。浮緩有汗。爲中風。皆風寒外襲。表發熱也。其脈實而蒸蒸發熱。六七日不大便者。爲裏實發熱。邪氣內傳而熱也。有裏惡寒。認作表惡寒者。初起不熱。但惡寒而體倦息微。脈沉遲無力。此寒中三陰裏惡寒也。若初起惡寒而體重氣促。脈陰陽俱緊。爲表惡寒。始雖惡寒。後必發熱也。有冬溫。認作傷寒者。冬溫因腎氣不藏。不正之氣入傷太陽。少陰二經。始病多不惡寒。便心煩大發熱而渴。必咽痛。或下利。脈來左手弦軟。傷寒則風寒外來。始病必先惡寒。而後發熱。始先不渴。至三四日後。熱耗津液。方渴。脈必人迎緊盛也。有伏氣發溫。認作感冒者。伏氣乃冬時伏藏之邪。自內達表。必不惡寒而發熱。一熱卽口燥咽乾而渴。氣口脈洪大倍。

於人迎。感冒是暴感。非時寒氣。始病雖發熱。一、二日內必不
作煩渴。人迎之脈必弦盛。倍於氣口也。○有勞力感寒。謬作
傷寒者。辛苦勞役之人。頭疼惡寒。身體倦怠而痛。微渴自汗。
此因內傷血氣。兼之外感風寒。人迎脈必弦緊。氣口脈必虛
弱。兩尺必弦數。所謂形作傷寒。其脈不弦緊而弱是也。○有
夾陰謬作陰證者。夾陰則有頭疼發熱。但足不熱。或陽縮入
腹。陰證則無頭痛發熱也。○有感冒非時暴寒。謬作正傷寒
者。冬月寒水主令。故正傷寒中風。必先太陽。若感非時風寒。
春多兼足少陽而寒熱。秋多兼手太陰而欬嗽。若暴寒勢甚。
亦必傷足太陽為多。蓋腎本寒。水之經。同氣相感也。○有動
陰血。謬作鼻衄者。少陰無汗而強發之。血隨藥動。或從口鼻
耳目而出。各下厥上竭。言陽隨血而上竭。陰在下而發厥也。

若衄則太陽表邪失於汗下。或汗下不解。邪鬱經中而致也。
○有直中陰經真寒證。認作傳經證者。陰證則先不發熱。四
五日或六七日後反發熱者。陰極生熱也。傳經陰證則先發
熱。五六日後而變四逆厥冷。熱極反兼寒化也。亦有始本陽
證。汗下太過而變虛寒。反發熱煩躁者。陰陽俱虛竭也。有
獨語認作鄭聲者。傷寒邪熱未解。睡中自語。各獨語。精神昏
憤也。若汗下太過。聲出咽中。無力接續。各鄭聲。正氣虛奪也。
○有少陰發熱。認作太陽發熱者。少陰則脈沉無頭痛。太陽
則脈浮緊而頭痛也。○有太陽無脈便認死證者。傷寒六七
日或十餘日。脈伏而不起者。此欲作戰汗而解也。如大下後。
厥冷下利無脈。是驟虛脈隨氣脫也。與三陰厥冷無脈。灸之
不溫。及服薑附脈不出。皆死證也。○有血證發黃。認作濕熱

發黃者。血證則小便自利。傷血而不傷氣也。濕熱則小便不利。氣病而血不病也。有痞滿謔作結胸者。痞為虛邪。必居胸脇。不在中也。雖滿而不痛。結胸為實邪。正在胸中。痛不可近者。為大結胸。若按之方痛者。為小結胸。有心下鞭痛下利清水而謔為漏底者。因熱邪傳裏。燥屎內結。小腹鞭痛。謔語惡熱。渴飲水漿而利。乃下傍流。純清臭水。為熱結利。若下利清穀。腹痛喜按者。為內寒。又夾食傷寒。因本虛不化。不結而自利。或因誤用消導及攻下。遂利不止者。俗名漏底也。有如狂謔作發狂者。傷寒初起無熱。狂言煩躁不安。精采不與人相當。此因熱結膀胱也。又有當汗不汗。五六日後小便利。大便黑。此畜血如狂也。若陽明內實發狂。必妄言讖語。欲登高棄衣。此為燥結失下而致也。有讖語謔作狂言者。讖

語有虛有實。熱入胃府。水涸燥結者。陽邪內實也。可下之。若
火劫取汗。讖語者。神明擾亂也。宜清之。多汗亡陽。讖語者。陽
神躁擾也。宜和之。下利純清水而讖語者。陽邪暴虐。有似陰
寒也。急下之。若狂言不能食者。是失志。失志爲腎絕。必死。勿
治。有女勞復。認作陰陽易者。差後御女爲女勞復。此虛邪
爲患。復犯虛虛之戒。必死。若不病人與病新差者。交而得病
者。爲陰陽易。此熱毒雖乘虛入。犯少陰。猶可用祛熱藥治之。
○有合病。認作併病者。合病則一得病。便見兩經之證。併病
則先見一經證。一兩日又加一經證。見前證不罷。兩經俱病
也。若先見一經證。更變他經者。又爲傳經矣。○有暑證。認作
感寒者。暑證則熱傷心包。微涼外鬱。表之陽虛。必背微惡寒。
而脈虛。或弦細芤遲。暑傷氣而不傷形也。若暑證而脈反弦。

緊惡寒者。此更感非時寒氣也。若陽明中暈。則煩燥口乾多汗。前板齒燥而脈洪大。當晝熱盛。則脈大證劇。至夜稍涼。則脈與證俱減。可。此熱傷陽而不傷陰也。若壯熱煩渴引飲。脈來洪盛。氣口倍於人迎。晝夜診之無異者。此冬時伏藏之邪。至夏發爲熱病也。有噦而認作乾嘔者。噦爲胃虛。誤攻其熱。或飲冷水所致。其聲濁惡而長。乾嘔則似吐而無物出。胃中熱與穀氣相併。及水逆痰氣所致。非惡候也。有短氣認作發喘者。呼吸短促而反盛者爲短氣。此失於汗下所致。宜分表裏汗下之。若氣息虛微不續爲少氣。此汗下太過所致。宜生津兼和營衛。若裏氣逆上。張口擡肩者爲發喘。此因水飲傷肺所致。宜疎表邪散水飲爲首務。若夫真陽不歸而衝氣逆上者。又當從事桂附。然多不能救也。有蚊跡認作發

斑者發斑多見於胸腹。先紅後赤。蚊迹多見於手足。先紅後黃也。有正陽陽明府證認作陽明經病者。府病是胃府受病。則六七日不大便。讖語發渴而脈實。經病是經絡受病。則身熱目疼鼻乾。不得卧而脈長。溫熱發於陽明。則自府達經。煩渴自汗壯熱。日脈赤而脈洪大。有溫瘧認作風瘧者。溫瘧則溫病熱邪未盡。重感於寒而成。發於春夏之交。其證多熱少寒。風瘧則多發於夏秋也。有疫痢認作漏底者。蓋疫痢是冬時伏氣。因春夏多雨。火邪復為濕伏。延至秋時。真陽內入。其邪內不能容。外不得泄。變為下痢。其證大發熱而下痢。煩渴。其脈必氣口洪盛。古人以敗毒散加陳倉米治之。誤與攻積利水必死。若漏底則因腎氣素虧。或夾冷食而見外熱裏寒之證。其脈必尺中微弱。當從夾陰例治。亦有熱邪傳

裏而下利穢積者。又當從傳經熱證治之。有中濕認作風濕者。中濕則一身盡痛而重。脈來沉緩。或面黃頭痛鼻塞風濕則一身盡痛而腫。關節不利不能轉側。惡風不欲去衣。其脈浮虛而濇。有燥證認作濕證者。燥證則肌膚枯槁血少不能營養百脈。而痿弱無力。濕痺則肢體浮腫。經隧中爲濕所襲而痺着不舉也。有標本全不曉者。卽如厥逆若先發熱至五六日傳進陰經血分。而厥則爲陽厥。若始先不發熱。卽惡寒踈臥而厥則爲陰厥。及諸病皆有假寒假熱。要以邪實壯熱爲本病。本虛假熱爲標熱也。有雜證類傷寒者。諸凡雜證發熱皆發於裏。夜甚於晝。惟傷寒爲表邪鬱發於外。而晝夜俱熱也。已上諸證必須詳審明確。方得用藥無悞。如未病素脾約。纔病忽便利。未病先有固疾。已病重添新病之

類若不審諦。寧無誤治之失耶。

至於不治諸證。亦須胸次了然。臨證始能決斷。如傷寒病熱

不退。脈反沉細者死。欬逆上氣。脈散者死。三部緊盛。汗

出不解者死。陰陽尺寸俱虛。熱不止者死。身熱喘麤。脈

躁疾者死。汗後餘熱不解。未可言死。脈如轉索者。其日死。

○譫語微熱。脈浮。大手足溫者生。厥逆。脈沉細者死。○陽病

見陰脈者死。○發少陰汗。連厥陰血者。厥竭而死。○發左右

動氣。汗者死。○大發風濕汗者死。○發陰陽毒。過六七日死。

○誤汗言亂目眩者死。○濕家額上汗出微喘。小便利而下

利不止者死。○關格不得尿。頭汗者死。○不尿腹滿加噦者

死。○大發濕家汗成痙者死。○發少陽汗。譫語者死。○亡陽

譫語。脈短者死。○直視。譫語喘滿者死。下利者亦死。○吐下

易寒者。論卷七。○直視。譫語喘滿者死。下利者亦死。○吐下

不解。循衣摸床。微喘直視。脉瀯者死。○內傷瘀積。畜血如狂。下如污泥者死。○少陽證誤下。身黃胸脇石鞕者死。○陽明病心下鞕滿。攻之利遂不止者死。○發濕溫汗。爲重暍者死。○兩感傷寒者死。○汗出熱不解而脉躁疾。爲陰陽交者死。○陰陽易熱極躁亂。脉急疾無倫者死。○夾陰傷寒。身熱足冷。下虛邪盛不可溫者死。○溫熱時行大發熱。手足下體寒。陽縮脉沉小虛散者死。○溫病遍身紫赤者死。○結胸證悉具。煩躁者死。○結胸脉浮大者下之死。○狂言不能食者死。○發厥肌冷而躁。無時得安者死。○如結胸狀。舌上胎滑爲臧結者死。○脇下素有痞。連在臍傍。痛引少腹。入陰筋者死。○黑斑如果實。靨者死。○舌卷囊縮者死。○少陰病下利脉弦長。名曰負者死。○目亂無神氣者死。○少陰病吐利煩躁。

四逆者死。惡寒身踈而利。手足厥冷者死。脉不至。不煩而躁者死。下利止而頭眩。時時自冒者死。下利厥逆無脉。服湯脉暴出者死。脉不出者亦死。發熱下利厥逆。躁不得卧。厥不止者死。汗出不止者亦死。下利厥冷。煩躁無脉。灸之不温。反微喘。厥不還者死。下利脉反實者死。厥利本不能食。今反能食。爲除中者死。傷寒七八日大發熱。汗出如貫珠。爲氣衰者死。爪甲青爲陽衰者死。循衣摸床。爲神亂者死。四肢振動。唇吻反青。爲肝絕者死。體如烟薰。直視搖頭。爲心絕者死。環口黧黑。冷汗發黃。爲脾絕者死。汗出如油。聲如鼻鼾。爲肺絕者死。卵縮遺尿。狂言目瞑。爲腎絕者死。喘而不休。爲邪勝者死。水漿不下。爲胃絕者死。形體不仁。爲營衛不行者死。乍靜乍亂。爲命絕。

者死。已上死證。不可輕投湯劑。若邪熱甚者。靜候氣衰。或有可生之理。正氣衰者。惟與漿飲。庶幾元神將復。經曰。漿粥入胃。泄注止。則虛者活。身汗得利後。則實者活。此其候也。要知傷寒證類百出。貴在治法先後不誤。則長沙復起。不過如是。余於暇日。集諸家之要。叅以所歷。辨論頗晰。臨證庶無歧謬。非敢云補長沙未逮。聊以抒芻蕘之一得耳。

脈法

世言傷寒脈類。莫不宗節庵浮中沉三法。而長沙一脈寢置久矣。夫浮中沉之說。固爲捷訣。然不能偏廢經論之綱領也。傷寒脈法。首言大浮數動滑爲陽。沉瀦弱弦微爲陰。六經例又言尺寸俱弦者。少陽受病也。夫弦脈旣曰屬陰。而又爲少陽者。何也。仲景意以弦脈爲陰者。兼見衆脈而言也。沉瀦者。陰也。兼以弱弦微之類。安得不爲陰乎。六經例以尺寸俱弦者。指單見一脈而言。豈得不爲陽乎。以弦脈分陰陽二用之。理其義微矣。按脈訣以弦脈爲陽。動脈爲陰。仲景乃以動爲陽。脈蓋浮大者陽也。兼之以動數滑之類。安得不爲陽乎。又曰。陽動則汗出。陰動則發熱。言浮而動者爲陽。沉而動者爲陰。故仲景之脈。不可與雜證同語也。且夫沉者陰也。而又有

屬陽者。若沉而瀯。沉而遲。沉而細小之類。皆爲陰也。如沉而滑。沉而數。沉而實大之類。皆爲陽也。浮者陽也。而又有虛寒者。若浮而滑。浮而數。浮而緊盛之類。皆爲陽也。若浮而遲。浮而虛。浮而微弱之類。皆虛寒陰證也。夫浮而陽者。宜發汗。浮而虛者。宜溫補。沉而實者。宜攻下。沉而陰者。宜溫經。惟弦脈則隨浮沉以定陰陽。以少陽主半表半裏。故宜和解。是以節庵主浮中沈三法。卽是此意。蓋傷寒之邪。自表達裏。始雖太陽。必先皮膚肌肉。次入筋骨腸胃。若溫病熱病之邪。久伏少陰經中。從少陽發出肌表。在表之時。不以涼解。則邪復入裏。而歸腸胃。爲實熱也。此傷寒溫熱脈法之迥異。說見總論中。不暇更述。姑以浮中沉三法論之。

如尺寸俱浮。爲太陽。浮緊而瀯。爲寒邪在表。浮緊不瀯。爲表

邪方盛。浮緊而數爲熱。欲傳裏。若浮而長爲傳併陽明。或合病。浮而弦爲傳併少陽。要以脈中有力爲有神。可用汗解。浮而緩者爲中風。宜解肌。浮而無力爲陽虛。便當溫補。不可發汗。若浮而尺中弱。濇遲細。足脛逆冷。皆內虛夾陰。豈可汗乎。若三陰經證。始先脈沉。後變微浮者爲陰盡復陽。欲愈之兆。若春夏病發熱頭痛。而見浮緊浮緩之脈。不大作渴者。謂之寒疫。若脈雖浮緊。而始病便見大渴。腹中脹滿不和者。此卽伏氣內發。而加客邪外襲也。亦有時氣不正。邪傷氣分。脈浮者。此卽時行之類也。

中脈者。陽明少陽二經脈也。尺寸俱長爲陽明。長而有力爲實熱。當解肌。長而浮者尚兼太陽。宜發汗。長而數者爲熱盛。雖係表證。不可用辛溫發汗。止宜辛涼輕劑以解肌。若長而

實大有力。大便秘結爲胃實。可下之。溫病熱病及時行疫癘。始發多有此脉。切不可發汗。乃黃芩白虎之證也。尺寸俱弦者少陽也。弦數爲熱邪傳裏之候。弦而有力爲邪實。如大便秘結不行。宜大柴胡微利之。弦而浮兼太陽證。尚宜發汗。若弦而遲。弦而小。弦而微弱。皆內虛有寒。宜溫之。溫病熱病及時行。脉弦脇痛。俱宜小柴胡去參半加枳橘。弦盛有力。加石膏知母。弦小無力。仍用人參。有嘔方可用半夏。卽生薑亦當慎用也。然弦脉近乎緊脉。冬得之爲傷寒。夏得之爲傷風。以夏月風閉汗孔。當汗出而反無汗。是以脉弦有似乎緊也。又傷寒寸口緊盛。而尺脉弦細浮數。此爲腎氣素虛。慎不可用麻黃發汗。宜小建中和之。大抵弦脉雖居表裏之半。然表多於裏。只宜和解。不可攻下利小便也。

凡沉脉俱屬三陰。而有陰陽寒熱之別。尺寸俱沉細者爲太陰。俱沉爲少陰。俱沉弦爲厥陰。若沉而滑。沉而疾。沉而實。皆以有力爲實熱。爲傳經熱邪。爲陽證。分緩急攻下之。若沉而微。沉而細。沉而弱。但以無力爲虛寒。爲直中陰經。或爲壞證。詳微甚溫理之。或始本太陽病發熱頭痛而脉反沉者。此雖曰太陽而實見少陰之脉。故用四逆湯溫之。若夫春夏溫病熱病而見脉沉小微弱短澹者。此伏熱之毒滯於少陰。不能發出陽分。所以身大熱而足不熱者。皆不救也。惟脉沉實而見陽明府實證者。急用承氣下之。不可拘於陽病陰脉例也。若時行疫癘而見沉脉。爲毒邪內伏。設無下證。必無生理。大抵沉脉最爲關要。以決陰陽寒熱用藥。生死在於纖毫。得不一仔細謹察乎。

夫脉沉細微緩。初起無頭痛。不發熱。便四肢厥冷。腹痛嘔吐。泄瀉。踈臥。沉默。不渴。人皆識爲陰證矣。至於脉浮而大。但按之無力。發熱而戴陽。渴欲漱水而不能嚥。煩躁時欲坐卧泥水中。此爲陰盛格陽。虛陽上膈之候。人皆不識。認作陽證。誤投寒藥。卽死。殊不知陰證。不分發熱不發熱。脉之浮沉大小。但指下無力。重按全無者。便是伏陰。急與薑附温經回陽之藥。雖有發熱頭痛。表證雜出。只宜五積散一服。通解表裏之寒。切忌發泄。誤與發汗。則脉必緊數而發熱。誤用涼藥。則脉轉緊盛而躁渴愈急也。又有內外有熱。其脉沉伏。不數不洪。但指下沉濡而小急。此爲伏熱。不可誤認虛寒。以温熱治之。是益其熱也。大法遲濡微弱可温。浮盛洪緊可汗。沉細滑實可下。虛細勿吐。遲弱勿下。滑實勿汗。沉實勿温。貴在辨脉施

治可謂上工矣。

至於結促代伏皆爲傷寒死生關捩。并爲詳識。夫脈來緩時一止復來謂之結。此陰盛脈必有寒。伏於中故傷寒脈結足冷腹中痛宜大建中湯。又脈來數時一止復來謂之促。此陽盛脈必有熱結於裏。傷寒溫熱發斑發喘皆有是脈。大抵皆宜內奪。清理之後其促漸退則生。轉加則死。又脈來無力動而中止不能自還曰代。雜病見之必死。傷寒有寒邪水飲停畜而正氣內虛邪伏不解故有脈結代心動悸者。主以炙甘草湯。至於伏脈則有汗下溫解之殊。但初起頭痛發熱或一手無脈或兩手俱伏者庸工便謂陽證見陰脈之死候。殊不知此因寒邪不得發越急用麻黃湯汗之。若初起發熱頭痛方除已後厥逆無脈者陽厥也。小承氣湯主之。若初起不發

熱無頭痛。便厥冷吐利無脈者。直中陰寒也。四逆湯溫之。若
初起陽證。至六七日或十餘日。但服表汗藥而未會攻下。別
無刑尅證候。昏冒不知人事。六脈俱伏。此欲作戰汗而解也。
當與熱薑湯助其作汗。慎勿用藥。若誤與湯劑。反致變害也。

奇可能止江矣

察色

望而知之謂之神。見其色而知其病也。故傷寒家尤以察色爲首務。察其色澤。問其困苦。辨其聲音。更合之以脉類。無遁情矣。夫肝青象木。脾土色黃。赤屬心火。肺白腎黑。皆見於面。青主肝藏風寒。青而黑者多寒痛。青而白者多虛風也。陰寒極甚。面與脣口青黑。甚則舌卷陽縮。及夾陰傷寒。少腹痛而面青。俱宜急溫者也。若夫厥陰熱厥。亦有脣面爪甲青紫而脉伏者。然細察之。其脉必附骨有力也。面赤多熱。而有表裏虛實之殊。然亦有陰極似陽者。太陽證頭痛發熱。喘而面赤者。爲表證。若面色緣緣正赤。爲陽氣怫鬱在表。汗出不徹。故也。又熱病煩渴。面赤脉洪大。表裏俱熱也。陽明府實潮熱。汗多。面赤不大便者。裏證也。少陰病下利清穀。裏寒外熱。爲陰

盛格陽夾陰傷寒發熱頭痛面赤足冷脉沉細或浮數無力。按之欲散爲虛陽上泛壞病汗下過多元氣耗散微陽失守。皆面赤戴陽並宜溫補下元不可誤用寒藥若午後面赤爲陰火不可作傷寒治兩顴赤色如妝爲陰火亢極雖愈必死也。面黃主濕黃而明者爲濕熱黃而暗者爲寒濕黃而帶赤白者爲欲愈黃白不榮而多蟹爪紋者爲蟲積黃而澤者爲內傷畜血黃黑而槁者爲食積黃而青黑者脾胃衰極爲木勝土而水無制也。白主氣虛白而無神者傷寒大病後發汗過多或脫血所致黑主腎衰傷寒顏帶黑青爲陰寒之色若久病焦黑者又爲腎熱也。凡耳目口鼻黑氣枯夭者難愈神庭黑氣如指者陰晦之色見於陽之正位卒死兆也。面慘不光傷寒也。面光不慘傷風也。面如錦紋陽毒也。面垢如油喘

促多汗。足陽明中暍也。面垢生塵。灑然毛聳。手少陰中暑也。大率面帶黃者。爲脾土正色。病雖劇而可治。若青黑赤白異常。而無黃色相參者。皆非吉兆也。

凡察病者目。以開目欲向明者爲陽。閉目不欲向明者爲陰。目疼屬陽明表證。目赤爲經絡熱盛。目瞑。漱水鼻燥。爲陽邪上盛。欲解必衄。目黃而頭汗。將欲發黃。目不了了。爲陽明府實。若睛不和者。少陰熱也。目眩爲痰。因火運。眼胞微腫。爲有水。目下灰色爲寒飲。目白睛黃欲發瘴也。目直視不能瞬。或白睛黃。此誤發汗將欲衄也。目無精光者。爲腎氣素虛。目正圓者。瘵不治。凡目暗。目瞪。目陷。目反直視。戴眼反折。皆不治。下後目閉爲陰血受傷。目反上瞪爲陰氣上逆。凡察病者鼻。若鼻頭色青。腹中冷痛者死。蓋厥陰肝木之青。

色。挾腎水之寒威。上徵於鼻。下徵於腹。是爲暴病。頃之亡陽。而卒死也。其謂鼻頭色微黑者。有水氣。見黑雖爲腎陰之色。微黑且無腹痛。但主水氣。而非暴病也。若黃黑光亮而少腹。脇痛。或善忘如狂。又爲畜血也。謂色黃者。胸上有寒。穀氣不化。而有痰積也。謂色白者。亡血。設微赤。非時者。死。白者。肺之色。肺主上焦。以行營衛。營不充。則鼻色白。故知亡血也。微赤爲火色。若非火令之時。加於白色之上。是火來尅金。故死。黑爲勞。爲房勞。以火發於腎水之中。故不赤而反黑。其黑必枯燥。不似水氣之黑。而光澤。瘀血之黑。黃光亮也。赤爲風者。由熱生風。風爲陽邪。故也。黃者。便難以中焦熱燥。腸胃不潤。是以便難。然必枯而不澤。若黃而鮮明者。有留飲。留飲以津液不行。滯其穀氣。化熱而致黃也。又鼻孔乾燥。而脈浮數者。將

欲。衄。鼻。衄。語。言。難。出。者。爲。風。溫。鼻。鳴。乾。嘔。者。爲。傷。風。鼻。痛。爲。肺。脾。二。經。有。風。火。鼻。柱。散。濶。爲。肺。氣。虛。而。有。濕。鼻。瘦。枯。黑。爲。脾。勞。火。旺。無。津。鼻。上。汗。出。如。珠。爲。心。脾。痛。極。鼻。孔。塌。張。爲。肺。風。鼻。如。烟。煤。爲。陽。毒。

凡。察。病。者。脣。以。焦。赤。爲。脾。燥。熱。赤。腫。爲。胃。濕。熱。青。黑。爲。陰。寒。脣。寒。面。青。頭。痛。發。熱。爲。少。陽。陽。明。之。邪。熱。傳。太。陰。厥。陰。脣。口。上。下。有。瘡。爲。狐。惑。脣。上。燥。裂。爲。熱。在。肌。肉。鮮。紅。爲。陰。虛。火。旺。淡。白。爲。氣。虛。淡。而。四。遠。起。白。暈。爲。驟。亡。血。脣。齒。焦。黑。爲。燥。屎。衝。膈。雖。急。下。之。多。不。可。救。若。脣。吻。反。青。環。口。鰲。黑。張。口。如。魚。出。氣。不。復。脣。口。動。顫。不。止。及。人。中。反。者。皆。死。證。也。

凡。察。病。者。口。以。口。苦。爲。少。陽。膽。熱。木。從。火。化。也。口。甘。爲。脾。土。濕。熱。而。津。液。上。乘。稼。穡。作。甘。也。口。淡。爲。胃。中。虛。熱。胃。爲。一。身。

之主。淡爲五味之本也。口作酸爲肝熱。乘脾曲直作酸也。口作鹹爲腎衰。虛熱上乘。口中常覺血腥爲肺氣傷。口不和者不知味。爲內傷津液。口不仁者不和澤。爲外感客邪。口燥咽乾爲熱。傳少陰證。煩渴欲飲水。小便不利爲太陽犯本。水入卽吐爲水逆。渴欲飲水壯熱自汗。爲陽明府熱。漱水不欲嚥。而目瞋鼻燥爲蓄血。漱水不欲嚥。而目赤厥寒爲陰躁。口傷爛赤爲陽厥。口難言爲血少。口噤咬牙瘈瘲爲發瘧也。凡察病者耳。以耳聾胸脇痛寒熱口苦爲足少陽證。耳鳴及痛。手少陽厥陰火也。若耳輪乾枯而黑者爲腎敗也。若耳中策策痛。而耳輪黃者爲黃耳。類傷寒也。又重發汗。又手冒心。而耳聾者陽虛也。與少陽經之耳聾迥別。凡察舌上胎色。另具辨舌論中。其有舌本強鞭爲痰。舌短囊

不縮爲宿食。舌脹大滿口爲龍火燔灼。此最爲急候。卽宜殺之。舌深赤帶紫者爲裏熱。舌色淡白爲裏寒。舌枯萎者爲心氣耗絕也。

凡察病者身以輕易轉側而熱者爲陽。若肢體骨節疼痛爲表證。以沉重難移動而寒者爲陰。若腹痛自利厥逆宜溫經。然中濕亦主身重痛。濕痺則身痛關節不利。風濕則身痛而腫。骨節煩疼掣痛不得屈伸。汗出惡風而不欲去衣。若少腹鞭痛小便不利爲溺瀦。小便利者爲畜血。腹痛自下衝上者火也。從上轉下趨少腹者寒也。氣從少腹上衝者陰火也。從左脇上衝者肝火也。大抵足寒而厥者陽虛也。厥而發熱者熱厥也。臂多青脉者脫血也。背熱手背熱者外感也。腹熱手心熱者內傷也。背微惡寒者陽微不能勝陰也。渾身惡寒傷

寒也。自汗身重。鼻鼾多睡。風溫也。肉瞶筋惕。汗下虛也。手足
瘦癢。虛而有風也。額上及手足冷。汗陰毒也。身目俱黃。痺病
也。身如蟲行。表虛也。若頭傾視深。循衣撮空。冷汗發黃。形體
不仁。乍靜乍亂。皆不治也。

凡察病者。足以初起。手足俱冷者。爲陰寒。宜四逆薑附溫之。
初起。但足冷而手不冷。身體發熱。頭或痛或不痛。便是夾陰。
須用五積再造。選用不可用發汗攻下之劑。亦不可用小柴
胡。以中有黃芩苦寒故也。若是內傷陽氣虛人。須從東垣補
中益氣去升麻柴胡。加炮薑半夏桂枝。溫中爲務。又夏暑病
濕溫人。必足冷手溫。多汗妄言。宜蒼朮白虎合五苓散。不可
誤認夾陰。而用五積四逆。反助熱益病也。亦有兩手逆冷。而
兩足熱厥如火者。此陰氣衰於下。陽氣衰於上。陰陽否隔之

兆也。若初起於脚膝軟弱。或足脛赤熱腫痛。當從脚氣治之。
凡察病者聲。以清朗如平日者吉。聲重鼻塞者傷風也。聲如
甕中出者中濕也。言遲者風也。言驟者火也。聲瘖不出而欬
者水寒傷肺也。聲啞如破而欬者客寒裏熱也。驟然聲瘖而
咽痛如刺不腫不赤不發熱二便清利者陰寒也。驟然聲瘖
而赤腫脹閉或發熱便秘者龍火也。喘逆煩亂譏語者邪氣
實也。鄭聲者精氣奪也。少氣不足以息者氣虛也。語言遲緩
而癩怯者內傷也。病人語聲寂然喜驚呼者骨節間病。此病
在厥陰。陰主靜故也。語言喑喑然不徹者心膈間病。此病在
太陰。肺主氣故也。其聲啾啾然細而長者頭中病。此病在巨
陽。巨陽與少陰爲表裏。腎在聲爲呻。其聲起自下焦故也。已
上諸證雖非盡屬外感。然傷寒家悉宜辨晰。庶無謬治之失。

診病首宜識之

夫診病首宜識之。凡診病必先識其氣。氣者，人之根本也。氣清則神清，氣濁則神昏。故凡診病，必先察其氣之清濁。若氣清而神清者，其病必輕。若氣濁而神昏者，其病必重。此診病之第一要義也。

其次，凡診病必先察其脈。脈者，血之府也。脈平則血和，脈亂則血逆。故凡診病，必先察其脈之平亂。若脈平而血和者，其病必輕。若脈亂而血逆者，其病必重。此診病之第二要義也。

其次，凡診病必先察其色。色者，神之華也。色澤則神旺，色枯則神衰。故凡診病，必先察其色之澤枯。若色澤而神旺者，其病必輕。若色枯而神衰者，其病必重。此診病之第三要義也。

其次，凡診病必先察其聲。聲者，心之聲也。聲清則心平，聲濁則心亂。故凡診病，必先察其聲之清濁。若聲清而心平者，其病必輕。若聲濁而心亂者，其病必重。此診病之第四要義也。

其次，凡診病必先察其飲食。飲食者，胃之府也。飲食進則胃和，飲食不進則胃逆。故凡診病，必先察其飲食之進退。若飲食進而胃和者，其病必輕。若飲食不進而胃逆者，其病必重。此診病之第五要義也。

其次，凡診病必先察其二便。二便者，腎之府也。二便通則腎和，二便不通則腎逆。故凡診病，必先察其二便之通塞。若二便通而腎和者，其病必輕。若二便不通而腎逆者，其病必重。此診病之第六要義也。

其次，凡診病必先察其汗。汗者，心之液也。汗出則心平，汗不出則心亂。故凡診病，必先察其汗之出否。若汗出而心平者，其病必輕。若汗不出而心亂者，其病必重。此診病之第七要義也。

其次，凡診病必先察其手足。手足者，脾之府也。手足溫則脾和，手足冷則脾逆。故凡診病，必先察其手足之溫冷。若手足溫而脾和者，其病必輕。若手足冷而脾逆者，其病必重。此診病之第八要義也。

其次，凡診病必先察其頭目。頭目者，腦之府也。頭目清則腦和，頭目昏則腦逆。故凡診病，必先察其頭目之清昏。若頭目清而腦和者，其病必輕。若頭目昏而腦逆者，其病必重。此診病之第九要義也。

其次，凡診病必先察其口舌。口舌者，心之府也。口舌潤則心平，口舌燥則心亂。故凡診病，必先察其口舌之潤燥。若口舌潤而心平者，其病必輕。若口舌燥而心亂者，其病必重。此診病之第十要義也。

辨舌

舌胎之名始於長沙。以其邪氣結裏。若有所懷。故謂之胎。傷寒之邪在表。則胎不生。邪熱傳裏。則胎漸生。自白而黃。黃而黑。黑甚則燥裂矣。要以滑潤而白者為表邪。灰黑濕潤無胎。為陰寒。灰黑薄滑為夾冷食。皆不可用寒涼攻下之劑。然中暑夾血。多有中心黑潤者。又不可拘於上說也。若黃黑灰色。而乾燥紋裂者。為熱極。萬無虛寒。夾血之理。惟屢經汗下。舌雖乾而有微薄胎。却無燥裂芒刺。此為津液耗亡。不可誤認。實熱而攻之。攻之必致不救也。金鏡三十六治法。舉世宗之。又觀舌心法一百三十七圖。條分縷析。辨證最詳。其間論紅為瘟熱。紫為酒毒。黧紫色為夾食。藍為肝藏純色。迥出前人未備。所嫌舍本逐末。未免繁紊。使人無提綱挈領處。故余括

其提要分條辨論於左。

如白胎者。邪傷氣分。肺主氣而色白。又主皮毛。故凡白胎。猶帶表證。仲景以爲胸中有寒。止宜和解。禁用攻下。攻下必致結痞。變證不測。若溫病熱病。一發便壯熱昏憤躁渴。舌正赤。而有白滑胎。卽當用白虎湯汗之。時疫初起。舌上白胎如積粉者。達原飲解之。若傷寒邪入胃府。則白胎中黃。邪傳少陰。則白中變黑。若純色爲一經證。邊與中間兩色。俱傳經證。若從根至尖直分兩路者。是合病與夾陰舌也。合病則白中兼兩路黃。夾陰則白中兼兩路黑潤及灰色也。從根至尖橫分兩三截胎色者。是併病舌也。故尖白根黃。尖白根黑。及半邊胎滑者。雖證類不同。皆屬半表半裏。白胎多而滑。黃黑胎少者。表證多也。尚宜和解。黃黑胎多而白胎少。或生芒刺黑點。

乾燥者。裏證多也。必下無疑。雖中心黃黑。而滑潤邊白者。此爲表證未盡。傷寒則大柴胡兩解之。溫熱時疫則涼膈散。或白虎合承氣攻下之。又傷寒壞病。雖白而厚甚燥裂者。此爲邪耗津液。宜小柴胡稍加芒硝微利之。純白滑胎。爲胃虛寒飲結聚膈上之候。每於十三四日。過經致變。不可泛視也。一種白厚胎。如煑熟色。到底不變者。必裏挾寒物。留滯不散。致脈伏不出。乃心脾氣絕。肺氣受傷也。慎不可下。宜枳實理中湯。熱甚合小陷胸主之。至於能食自利。而白胎滑者。爲臧結難治也。黃連湯連理湯。脩急丸。選用。間有得生者。黃胎者。陽明府實也。黃濕而滑者。爲熱未盛。結尚未定。不可便攻。攻之必初鞭後溏也。冬時宜確守此例。俟結定乃攻。不得已。大柴胡微利之。若在夏月。一見黃胎。便宜攻下。以夏月

伏陰在內。多有下證最急而胎不燥者。不可泥也。若黃而燥者。爲熱已盛。峻下無疑。黃而生芒刺黑點者。爲熱勢極。黃而瓣裂者。爲胃液乾。下證尤急也。諸黃胎皆屬胃熱。分緩急。輕重下之。有種根黃而鞭。尖白而中不甚乾。亦不滑。短縮不能伸出。譏妄煩亂者。此痰挾宿食。占據中宮也。大承氣加生薑半夏主之。有舌色青紫。而胎却黃厚。甚則紋裂。但覺口燥。舌仍不乾者。此陰證夾食也。脉或沉細而伏。或虛大而瀉。按其心下或臍旁。鞭痛而時失氣者。急宜大承氣。另煎生附子佐大黃下之。若脉虛大者。黃龍湯下之。熱極煩躁者。更加生地麥冬。夏月尤宜。若冬時陰證夾食。而舌上胎黃不燥者。宜用附子理中合小承氣下之。大抵舌有積胎。雖見陰象。亦是虛中有實。急當攻下無疑。但下法與尋常不同耳。又中宮有痰。

飲水血者。舌多不燥。不可因其不燥而延緩時日致誤也。凡
溫病熱病。稍見黃白胎。無論燥潤。即宜涼膈雙解。時行疫癘。
稍見白胎。即宜白虎達原。若見黃黑。無論乾濕。大承調胃急
奪無疑。

黑胎者。少陰腎色也。若五六日後熱傳少陰。水乘火位。亢極
之火。不爲水衰。反兼水化。如火過炭黑是也。始因表證失汗。
致邪入裏而傳少陰。下之則愈。然有屢下熱不減胎不退者。
此必宿食留滯於中宮也。宜黃龍湯加炮薑川連。有誤用汗
下太過。津液枯竭而胎燥黑者。此爲壞病。須量人虛實爲治。
虛者其胎必薄而潤。生脈散合附子理中。實者其胎必厚而
乾。生脈散合黃連解毒。一則陰虛陽亢。一則陽虛陰亢。不可
不審。熱勢盛劇。則黑胎上生芒刺。及燥裂分隔瓣者。須用青

布蘸薄荷湯拭潤。更以薑片刮去芒刺。掀起隔瓣。看刺下瓣底。色紅者可治。急下之。若俱黑者不治。又黑胎腐爛者。爲心腎俱絕。舌黑而卷縮者。肝絕。皆不可治。舌黑及灰或黃而發。瘡生蟲腐爛。雖爲濕熱。亦屬肝傷。俱爲危候。又中間一路潤。黑燥胎兩邊或黃或白者。兩感舌也。邊黃則調胃承氣。邊白則大柴胡下之。若中間一路黑滑薄胎兩邊白滑。此表裏俱虛。胃中雖有留結。急宜附子湯溫之。凡黑胎多凶。黑而乾燥。或芒刺辦裂。皆爲實熱。急宜下奪。黑薄濕潤。或兼白滑者。皆爲陰寒。急當溫經也。一種中黑而枯。或畧有微刺。色雖黑而無積胎。舌形枯瘦而不甚赤。其證煩渴耳聾。身熱不止。大便五六日。或十餘日不行。腹不鞭滿。按之不痛。神識不昏。晝夜不得睡。稍瞞或呢喃一二句。或帶笑或歎息。此爲津枯血燥。

之候。急宜炙甘草湯。或生料六味丸。換生地。合生脉散。加桂。滋其化源。庶或可生。誤與承氣必死。誤與四逆亦死。凡舌胎或半黃半黑。或半黃半白。或中燥邊滑。或尖乾根潤。皆爲傳併之邪。寒熱不和之候。大抵尖黑稍輕。根黑至重。黃黑宜大承氣。兼白者宜涼膈散。分緩急下之。若全黑爲死現舌。不治。夏月熱病。時火邪火。內外燔灼。胎黑易生。猶可攻治。冬月傷寒。舌胎全黑。決難救也。然中暑誤認外感。而加溫覆。多致中黑。邊極紅而潤。脉必虛大。急用白虎湯清之。虛者加人參竹葉。如更誤認陰寒。而與熱藥。必致煩躁不救也。夏月中暑。多有黑舌。黑而中乾者。白虎湯無疑。黑而滑潤。或邊白者。必夾寒食。古法用大順散。然不若理中合小陷胸最當。若直中少陰真寒。始病不發熱。舌心便黑色。非由白黃變化。其舌雖黑。

而滑。舌亦瘦小。此真藏寒。必厥冷自利。嘔吐脉沉遲。四逆附子輩急溫之。稍緩則不可救。

灰黑舌者。足三陰互病。如以青黃和入黑中。則爲灰色也。然有傳經直中之殊。蓋傳經熱邪。始自白胎而黃。黃而灰黑。或生芒刺黑點紋裂乾燥。不拘在根在尖。俱宜攻下泄熱。有淡灰色中起深黑重暈者。乃溫病熱毒急用涼膈雙解治之。熱毒內傳一次。見暈一重。傳二三次。見二三重也。若見三重者不治。若直中三陰。始病無躁熱。便見灰色。舌潤無胎。更不變別色者。此必內夾寒食。及冷痰水飲。或畜血如狂等證。當隨證治之。又有感冒夾食。屢經汗下消導。二便已通。而舌上灰黑未退。或濕潤。或雖不濕亦不乾燥者。不可因其濕而誤認爲寒。妄投薑附。亦不可因其不潤而誤與硝黃。此因汗下過

傷津液。虛火上炎所致。其脈必虛微少力。治宜救陰爲急。雖無心悸脈代。當用炙甘草湯主之。內有生地阿膠麻仁麥冬之甘潤。可以滋陰潤燥。蓋陽邪亢盛。則用硝黃以救陰。陰血枯涸。則宜生地以滋陰。可不辨乎。

紅色者。心之正色也。若紅極爲溫熱之毒。蘊於心胃。及瘟疫熱毒內盛也。若濕者不可便下。解毒湯或白虎湯。紅中有白胎者。更感非時之寒也。桂枝白虎湯。紅中夾兩路灰色胎者。溫熱而來寒食也。涼膈散加消導藥一二味。紅中有黑胎者。熱毒入少陰也。大承氣合白虎湯。紅極有黃黑芒刺者。熱毒入府也。調胃承氣湯。紅極有紫黑斑。及遍身發斑者。陽毒入心也。人參白虎湯加犀角黃連。紅極而紋裂者。燥熱入肝也。大承氣加柴胡白芍。甚則加芩連。坑爛者濕熱入脾也。小承

氣加芩連半夏。白朮者。火氣燔灼也。三黃石膏去麻黃。紫瘡者。火氣鬱伏也。解毒湯。紅星者。心包火炎也。涼膈散。一種柔嫩如新生。望之似潤而燥涸殆甚者。爲妄行汗下。津液竭也。多不治。急宜生脈散。合人參三白湯主之。舌痿不能動者。肝絕。舌忽瘦而長。心絕。並不治。

紫色者。酒後傷寒也。世俗庸愚。往往受寒。不服湯藥。用薑葱酒發汗。汗未當而酒毒藏於心包。多有此證。若純紫。或中間畧帶白胎而潤者。宜葛根湯加石膏。若紫中有紅斑。或紫而乾黃。紫而短縮。俱宜涼膈散下之。若全紫而乾。如煮熟肝者。死肝色也。其證必厥冷。脈必沉滑。此陽極似陰也。急用當歸四逆湯加酒。大黃下之。然多不救。大抵深紫而赤者。是陽熱酒毒。宜用苦寒解毒。若淡紫而帶青滑者。是直中腎肝陰證。

急宜吳茱萸湯四逆湯溫之。然亦有中心生薄青紫胎。或畧帶灰黑而不燥不濕。下證復急者。此熱邪傷於血分也。犀角地黄湯加酒大黃微利之。

黧齧色胎舌者。乃夾食傷寒也。食填太陰。鬱遏不得發越。久之蠱而成醬色也。其證腹滿時痛者。桂枝湯加枳朴橘半。痛甚加大黃。因冷食不消。加炮薑厚朴。甚則調胃承氣加炮薑下之。如胃氣絕脉結代。脣弔齒燥下利者死。

藍胎舌者。肝藏純色也。傷寒日久。屢經汗下。失於調理。致胃氣傷極。心火無氣。脾土無依。則肺金不生。肝木無制。侮於脾土。故胎色如靛。或兼身生藍斑。乃心脾肺三藏氣絕於內也。必死。如微藍色而不甚深。或畧見藍紋者。爲木受金傷。藏氣未絕。脉不沉瀹而微弦者可治。小柴胡湯加炮薑肉桂主之。

舌之證類雖繁。不外八種胎色。撮其大要。亦辨證之一助也。

宜禁

傷寒表證宜汗。裏證宜下。半裏宜和。膈熱宜涌。陰寒宜溫。此大法也。然其人真氣素虛。或有宿食者。更宜斟酌。陶尚文云。陽病宜汗。宜下。真氣衰。汗之亡陽。下之多脫。陰病宜溫。宜補。真氣衰。則客熱便生。苟非宿證。不無妄治之失。因彙宜禁諸法如左。

宜汗。太陽脉浮緊盛。○人迎盛於氣口。○諸脉浮緊而數。○頭疼體痛。○腰痛背強。○項背強骨節痛。○身體拘急。○齋。齋惡寒。翕翕發熱。○煩熱不止。○煩躁喘嗽。○傷寒無汗。○中風自汗。○服發汗藥。解半日許復煩。○衄血點滴不成流。熱不解。並宜發汗。又有脉沉可汗者。爲身有熱也。設身不熱。豈敢汗乎。

禁汗脉虛無陽。尺中脉遲。諸脉沉細微弱。吐血下血。及衄血如流。口燥舌乾。口苦咽乾。閉塞及痛。風濕。風溫。濕溫。中暑及暈。當臍上下左右動氣。心下悸動。瘡家。淋家。小便淋瀝。大便瀉利。溫毒發斑。內傷勞倦。亡陽漏風。少陽寒熱往來。經水斷續崩漏。熱入血室。新產血虛。房勞陰虛。陽事痿縮。夾陰陰虛。足脛逆冷。太陽犯本。渴而小便不利。膀胱虛寒。欬而小便利。俱在禁汗例。諸禁汗者。非直禁絕表藥也。但禁麻黃青龍等峻劑耳。如小建中黃耆建中。在所必用。以意加減可也。汗後熱不止。必有所因。或因冷食不化。或因汗後強飲粥湯。或汗後更冒虛風。或動起不寧。或勞心惱怒。皆足以致熱也。

○凡服麻黃重劑不得汗。後必嘔血或衄。亦有下如豚肝而死者。以營血受傷故也。

宜吐病在膈上。○胸中懊憹痞悶。○喉中有痰聲。○三四日邪在胸中。脉大胸滿多痰。○氣上衝咽喉。○手足厥冷。脉乍結。痰氣在胸中。心煩滿而欲食不能食。○胸中鬱鬱微煩而痛。欲使人按之。反有痰涎。○下利日十餘行。脉反遲而微滑。或乍緊或乍結。或寸口沉伏。或浮滑。為宿痰。並宜瓜蒂散。○傷寒頭痛久不愈。令人喪明。胸膈有宿痰也。瓜蒂散吐之。○寒實結胸。宜白散。○類中風痰涎壅盛。宜稀涎散。○食厥脉滑。或上部有脉。下部無脉而厥逆。胸中兀兀欲吐。而按之痛。及乾霍亂心腹刺痛欲死。並宜薑鹽湯探吐之。○發汗吐下後。虛煩不得眠。並宜梔子豉湯。○病在膈上。為裏之表證。故

傷寒論卷上
禁吐
宜和

用吐法取汗。寒月宜置火於暖室。不透風處吐之。

禁吐。脈微無陽。寸口細弱。舊有微瀉。病在少陽。耳聾。

目赤胸脇痛。少陰厥陰病乾嘔。元氣虛羸。氣血兩虛。

房勞陰虛。勞倦內傷。吐血衄血。胎產崩漏。經水。

斷續。俱在禁吐例。

南人不可輕用涌吐。一吐尚可勝之。二吐便致昏困而厥。北

方質實之人。三吐不昏也。

吐後有頓快者。有徐快者。或反悶悶者。吐未盡也。或反熱者。

不可下也。大抵三日後無不快矣。

宜和寒熱往來。脈弦數。未下胸中脹滿。心煩喜嘔。耳

聾脇痛。舌白胎滑。頭兩角痛。口苦咽乾。頭目眩暈。

頭汗盜汗。默默不欲飲食。熱入血室。少陽半表半

裏諸證。並宜和之。

禁和太陽表證未除。陽明裏證已具。熱傳三陰腹滿。寒中三陰自利。夾食夾陰。面戴陽足脛冷。過汗經虛耳聾。尺中虛遲緊細。俱在禁和例。

宜下傷寒五六日發熱頭痛方除。蒸蒸發熱脉沉實滑數有力。大便不通。六七日熱蒸陽明。頭痛發熱不大便。口噤咬牙。日晡潮熱腹痛喘急鞭滿。能食不大便。潮熱讞語發狂。煩躁時悶亂。服小承氣轉失氣。燥屎逆攻。胸下鞭痛。下利脉數或遲滑有宿食。下利三部脉皆平。心下鞭痛。潮熱自汗。讞語燥渴不大便。潮熱手足腋下汗出。汗下後微煩小便數大便難。大府燥結則氣口脉洪大。按之反濡。小腹鞭滿而痛不可按。小便自利大便黑

有瘀血。小便不利。大便乍難乍易。微喘滿而不得臥。揚
 手擲足。揭去衣被。內實燥滿而發黃。少陰病口燥舌乾
 而渴。邪熱內消腎水者。急下之。自利純清水。心下鞭滿。不
 大便者。急下之。腹脹鞭滿。達臍鞭痛。不大便者。急下之。
 陽明病。汗多熱甚。恐胃汁乾。急下之。腹滿鞭痛。為土實。急
 下之。大抵一切下證。要以舌乾口燥。大便不通。再以手按
 臍腹。胸脇鞭滿而痛。手不可近者。急下之。然又有脈浮可
 下者。大便難也。設大便不難。豈敢下乎。
 禁下脈浮表證未解。尺中遲弱而足冷。六脈大而無力。
 或虛細。或乍大乍小。發熱頭痛未除。惡寒惡風。頭背
 項強。腰痛拘急。手足腋下無汗。嘔吐未除。咽中閉塞。
 腹中時滿時減。腹脹可按可揉。當臍上下左右動氣。

○少陽寒熱嘔吐。○陽明面合赤色。○不轉失氣。○失氣不
臭。○內傷勞力。○陰虛勞倦。○經水斷續。○胎前崩漏。○大
便鞭而小便清。○小便頻數而少。○夾陰面赤戴陽。○夾食
胸中煩滿。屢服消尅而脈沉手足微厥。○心下痞滿。○虛煩
欲吐不吐。○畏寒不能食。俱在禁下例。
凡禁下者。慎不可用承氣等藥。卽有下證。惟宜導法選用。
若陰結。宜四逆湯入人乳膽汁下。金液丹。
下後不解。一日半日復熱。或下未盡。或下後熱邪不除。或下
後復結。或因飲食起居。或更冒虛風。當詳審以治。○服下藥
不行者。藥力不當病勢也。更宜大劑下之。若誤用承氣不得
下。後必愈脹。以裏無熱結。徒傷胃氣。濕熱痰飲愈逆也。以濕
熱例治之。○有屢用承氣不行。改用溫理脾胃藥卽行者。○

有下出稀糞。色淡不黃不臭者。急温之。下出純清水者死。下出溏糞者防變。温熱時疫。不在此例。下如污泥者死。下出衄血及血水者死。下出鮮血者危。下瘀血如膠粘漆黑。臭惡難近者死。下之不盡。驟用補截。復發熱。讖語妄亂。脉躁不寧。或忽大忽小者。皆不治。

宜温初起不發熱無頭痛便惡寒。脉沉嗜卧。少陰病。膈上有寒飲。乾嘔不吐。嘔吐不止。乾嘔吐涎沫。腹痛泄瀉。嘔逆。戰慄踈卧。面如刀刮。四肢逆冷。夾陰中寒。唇面爪甲青。胃虛欬逆。下利清穀不止。陽縮入腹。囊縮舌潤。厥冷過肘膝。小便清利。自利不渴。口中和。背惡寒。畏寒身疼骨節痛。皆直中陰經寒證。又外熱身反不惡寒。而面戴陽。脉虛大無。上數疾無。

倫爲陰盛格陽。煩躁欲坐卧泥水中。自利咽乾欲飲水而不能嚥。皆假熱之證也。

又初起本陽證。汗下太過。亡陽脫泄。或誤服寒藥。後變惡寒厥逆。虛汗泄瀉。脉或沉細。或伏絕。或虛大爲壞病。小便或利。或不利。而色不黃赤。筋惕肉瞤。亡陽汗不止而惡寒。並宜從溫補例治。

禁溫本傷寒陽證。六七日傳變入裏。後變脉沉數。煩躁不得卧寐。自利腹痛。而時痛時止。按之結鞕。咽痛心煩。小便短數赤澀。大便實。泄利下重。下利讞語。厥逆不過肘膝。厥過卽復熱。喜冷飲。面深赤煩躁。便秘讞語。欲揭衣被。揚手擲足。皆屬傳經熱證。俱在禁溫例。

凡服溫經回陽藥後。其人微煩而渴。脉來微數而不實堅。身

體安和靜臥者。少與生脈散。或清粥飲。其渴自止。慎勿誤與涼藥。復助陰寒也。若假寒證。誤投薑附而大煩躁。熱渴不寧者。急與苦寒瀉熱無疑。

足大陽膀胱經禁下。若下之太早。則變證百出。足陽明胃府禁發汗。禁利小便。犯之重損津液。脈必代結。足少陽膽經禁汗。禁下。禁利小便。汗則犯太陽。下則犯陽明。利小便則使生發之氣陷入陰中。大陽一禁。陽明二禁。少陽三禁。此定禁也。至三陰經則無定禁。但非胃實。乃禁下耳。

藥禁者。津液內亡。作渴。禁用五苓。淡滲。汗多。禁利小便。小便多。禁發汗。咽痛。禁發汗。利小便。大便反利。禁梔子。大便秘滯。禁用燥藥。吐多。不得復吐。吐而上氣壅滯。大便不通。只可宣散上氣。禁利大便。脈弦。禁服平胃。而虛虛。脈緩。禁服建中。而

實寶。

切法

醫

凡看傷寒先觀兩目赤爲陽毒黃爲癰次看口舌有無胎狀
再以三指平按心胸脇下小腹蓋心胸以候結胸痞滿宿食
胃傷先曾誤下致痛而鞭滿正中者爲結胸濡大稍偏者爲
痞未經下滿痛爲宿食攻後深按隱痛爲胃傷脇下以候熱
邪寒水蓄血熱而痛者爲少陽之邪寒而多噉爲水飲停蓄
按之痛而不鞭其人善忘者爲蓄血小腹以候燥結瘀血按
之逸臍鞭痛爲燥結雖痛而鞭小便利者爲蓄血也
凡始病微惡寒發熱坐臥不安胸煩欲嘔善饑脈弱陰陽未
明者慎勿輕用表藥先與甘草乾薑湯加葱豉一劑後顯陽
證用表藥顯陰證用溫藥若陰證或夾陰誤用升散解表必
致陽縮入腹而死

凡結胸痞滿。及心脇鞞痛。用生薑搗爛去汁。炒微乾。乘熱包熨患處。凡結胸手不可按。大小便秘。屢下不通。急用灸法。以巴豆仁十粒。研爛入黃連末白麩研勻。作餅填實臍中。用艾炷灸七壯。覺腹中鳴轉。大便利爲効。凡結胸手足厥逆者。用葱白十莖。生薑一兩。同搗作餅。烘熱置臍中。帛掩熨之。待氣入覺響。卽與枳實理中湯加附子。凡結胸證不拘早晚。用黃毛雞一隻。同生薑四兩搗爛。帛包烘熱熨結鞞處。半日許。覺胸中熱乃止。更以熱手向下揉之。凡痞滿不拘寒熱虛實。遲早。便用熨法。以橘葉生薑葱頭。共搗爛。加麩皮半升。用紗絹包。烘熱熨痞滿處。至半日許。覺胸膈躁熱卽止。更以熱手順下揉之。凡傷寒發狂難制。以醋沃火炭。令氣衝其鼻中卽定。不定者。

此神亂無主。雖下必死。若狂定。然後察其陽在陰。躁用藥。凡傷寒衄血不止。用生藕汁。或茅根汁。蓋許服之。童便亦可。服後微覺寒顫。卽止。慎勿用冷水。裏額。及濕紙搭天庭鼻柱。使瘀積經絡不散。致成痼疾也。凡直中陰寒。無脉。或吐瀉脫元無脉。先將薑汁酒釀半盞。熱服。其脉漸來者可治。服後一時許。仍無脉。或暴出數疾無倫者。不治。若痛甚脉伏者。不在此例。凡陰寒陰毒。四肢厥冷。爪甲唇青。六脉欲絕。不知人事。藥不得入者。將葱白搗餅。用麝香半夏皂莢末一字。填入臍中。熨之。或用生薑切片貼上。艾火灸之。并灸關元氣海數十壯。脉漸出。微汗可治。否則死。凡中寒卒倒。不得以火烘之。中暑卒倒。不得冷水灌漬。若痰

厥昏迷卒倒者。用牙皂末。搥紙燒煙衝鼻中。有嚏可治。并用
稀涎散水調探吐。俟醒用藥。

凡溫熱病。燥渴不得汗。欲飲冷水者。下咽卽得大汗而解。若
傷寒感冒。強與之水。必變效。嘔噦悸自利等證也。

凡乾霍亂。不得吐者。用鹽兩許。置刀頭。炭火燒紅。淬水一升。
攪服。投吐之。若誤與粥飲卽死。

凡腹痛。未辨陰陽。痰食臭毒。先用薑鹽湯調。生香附末三錢。
溫服。俟勢稍定。然後憑脉證用藥。慎勿誤與鹽水椒水。致變
嘔噦下利水腫等證。甚至不救。

凡傷寒。服藥轉吐。出不納者。先將生薑汁少許。徐徐呷下。然
後緩緩進藥。卽不吐也。

凡胸腹攪痛。嘔吐涎沫。而時緩時甚。面乍赤乍白。脉忽大忽

小甚則厥逆脉亂。此食滯中宮。虻上入膈也。急用椒紅烏梅肉爲散。以安其虻。後隨虻厥治之。

凡破傷風及傷濕傷火。皆發熱頭痛。證類傷寒。甚則牙關緊急。不開藥不得入者。用蜈蚣一條。焙乾爲末。擦牙吐涎立甦。然後驗證用藥。

凡大便不通。尺脉無力。胃弱津枯者。宜用導法。詳辨續論陽明下篇導法下。老人枯燥闕結。不在此例。

凡小便不通。先以麝香半夏填臍中。以葱白田螺合搗成餅。封臍上。布縛良久。卽通。又法用食鹽一字入臍。加葱餅於上。熨之。卽通。凡虛人津枯。及胞痺小便不通者。禁用上法。誤用之。後必愈闕也。

凡呃逆不解。用硫黃乳香酒煎。及搗生薑查枳艾炒。熨

醫方類聚卷之九 治法 醫得堂藏

期門及灸期門左穴。皆取溫散肝氣也。若二便不通者。禁用此法。

凡妊娠溫熱病及時疫。用青黛伏龍肝爲末。和井底泥調塗臍至關元。乾再易之。然不若用大承氣急下。奪其裏熱。庶免傷胎之患。

凡傷寒服承氣等下藥。以熱薑湯催令速行。外用鹽炒麩皮升許。乘熱包熨。則大便秘通。若服之下咽卽行而不結者。爲元氣衰弱。防有下脫之虞。服之經日不行。爲濕熱痰飲固結。急用薑湯催之。若服久不行。則胃中津液敗壞。下之不止。必發呃逆而死。不下則脹滿而死也。若陰證腹痛自利。用吳茱萸炒熨良。

凡傷寒下後熱退。不可用參耆驟補。以餘邪得補。必復熾盛。

即使虛入。亦須俟正糞再行。然後補之。

凡內傷誤服外感藥。脈轉緊盛者。補中益氣調之。誤服寒涼藥。脈緊疾者。理中湯溫之。

凡用附子熱藥。必須冷服。蓋陰極於下。陽浮於上。以冷折其上之虛陽。以熱治其下之沉寒也。

凡中附子毒。一身面目俱赤。狂熱失血者。犀角黃連甘草煎湯。人生萊蕪汁服之。則解。

服麻黃汗出不止者。溫粉撲之。方用龍骨牡蠣煅過。同防風藁本爲末。和炒糯米粉。絹包撲之。其汗卽止。溫熱病誤汗不止。將病人髮披水盆中。用熟石膏黃連末生梗米粉撲之。

服瓜蒂吐不止者。一味麝香湯解之。

服大黃利不止者。虛人用人參乾薑陳皮甘草烏梅陳倉米

煎服。或俱用陳米烏梅黃土亦効。若過服承氣吐利不止。如
結胸狀。諸藥投下未安者。按法加益智仁末一錢匙。用前湯
半劑調服。則吐利同効。

服桃核承氣代抵當湯。瘀血未盡。腹痛不止。炒黑山查炒隻
黑糖。同伏龍肝煎服。久畜之瘀。一時不能卽盡。桃核承氣加
桂附。溫以散之。虛人以桃核承氣加人參補而逐之。外用芒
硝炒熱熨之。若所下血如凝。多兼血水。或如汚泥。神昏語
亂者。不治。色紅紫者屬熱。色晦黯者屬寒。色鮮淡者屬虛。隨
證治之。